


140  
1947

№ 4  
1947



වි. ශ. ශ. 6. 9. 6. 6





# პ. ი. თ. ნ. ე. რ. ი

საპარტვიზოს ალკ ცენტრალური კომიტეტის  
ყოველთვიური საბავშვო ჟურნალი

№ 4

ა კ რ ი ლ ი

გამომცემლობა „კომუნისტი“

## Пионери

Ежемесячный детский журнал  
Центрального Комитета  
ЛКСМ Грузии

(на грузинском языке)

რედაქციის მისამართი

ლენინის ქ., № 28, ტელეფონი № 3-81-85

# მერცხლები

მოფრინდნენ მერცხლები, ჩვენი საყვარელი ჩიტუნები! კვლავ გა-  
გვაგონეს მომზიბელელი ჭიკჭიკი, გვახარეს გაზაფხული, რომელიც ად-  
რეც გვაგრძნობინეს ნიქელეზმა და იებმა. მაინც მერცხლებს ველოდით.  
და, აი, მოფრინდნენ ეს საოცნებო ჩიტუნები და ყველაფერი მეტად გა-  
ხალისდა. თითქოს მერცხლებს ელოდაო, ბუნებამაც მეტად იგრძნო  
გაზაფხულის ცხოველყოფელი ძალა. ერთბაშად მწვანე ფარჩით მოირთო  
მთა და ბარი.

ველოდით და მოფრინდნენ მერცხლები, ჩვენი ჭიკჭიკა მერცხლები!  
ვინ იცის, რამდენი მთა, მინდორი და მდინარე გადმოლახეს, რამდენ  
ქალაქსა და სოფელს გადმოუფრინეს თავზე, რომ ვენახულეთ, რომ გავე-  
ხარებინეთ!

დიდი გასაჭირი შეხვდათ გზაში; ძლევდნენ ქარსა და წვიმას, ყო-  
ველგვარ ხიფათს და მოფრინავდნენ.

სამშობლოს სიყვარული მატებდათ ძალას და აჩქარებდათ ჩვენკენ.  
უამინდობით რამდენიმე მეგობარი დალუპვითა გზაში, მაგრამ სამ-  
შობლოს ნახვით გამოწვეული სიხარული იმდენად ძლიერი აქვთ, რომ  
არც დაღლა ეტყობათ და არც დანაკლისი. მკვირცხლად მონახეს თავიან-  
თი ბუდეები და ჩვენს ეზოებს ხალისი შემატეს.








# ჩვენც სამსახურს უწევთ ხუთწლედს

გურამ! როცა მუყაითობ,  
კარგად იცი გაკვეთილი,  
როცა სწავლით გულს გვიხარებ, —  
შენც ხუთწლედში შეგაქვს წვლილი!




მერი! როცა ბატკნებს უვლი,  
ჰკრეფ ხალისით ჩაის ფურცელს,  
როცა მშობლებს ეხმარები, —  
შენც სამსახურს უწევ ხუთწლედს!



ოთარ! როცა თოხნი სიბინდს  
ან ვენახში მოჰკრეფ ყურძენს, —  
შრომითა და ერთგულებით  
შენც სამსახურს უწევ ხუთწლედს!

ყმაწვილებო, ვიბეჯითოთ,  
მეგობრობა გვქონდეს ტკბილი!  
შრომითა და კარგი სწავლით  
ჩვენც ხუთწლედში შეგვაქვს წვლილი!

4338





საკ. ალკკ ცენტრალურმა კომიტეტმა მიიღო დადგენილება „პიონერთა ორგანიზაციის მუშაობის შესახებ“



# გაკვეთილები

## რაზმეულების, რაზმების, რგოლების მუშაობა!



ელს 25 წელი სრულდება მას შემდეგ, რაც დაარსდა ვ. ი. ლენინის სახელობის ნორჩ პიონერთა ორგანიზაცია.

„პიონერული მატანის“ ფურცლებს რომ გადავიკითხავთ, თვალწინ გადაგვეშლება დიდი გზა, რომელიც პიონერთა ორგანიზაციამ გაიარა მეოთხედი საუკუნის მანძილზე. ჩვენ ვხედავთ, თუ როგორ იზრდებოდა, როგორ ძლიერდებოდა იგი კომუნისტური პარტიის, ლენინურ-სტალინური კომკავშირის, ჩვენს

საბჭოთა მთავრობის მზრუნველობითა და სიყვარულით გარემოცული. ჩვენ ვხედავთ, თუ რა გულისხმიერად, მამობრივად ზრუნავს პიონერებისათვის საბჭოთა ბავშვების საუკეთესო მეგობარი — ამხანაგი სტალინი.

ნორჩ პიონერთა ორგანიზაცია აშუამდ უკვე მილიონობით მოწინავე საბჭოთა მოწაფეებს აერთიანებს. პიონერთა რაზმები ყველგან არის — დიდ ქალაქებშიც და პატარა სოფლებშიც.

### როგორი უნდა იყოს პიონერი



აკავშირო ალკკ ცენტრალურმა კომიტეტმა მიიღო დადგენილება „პიონერთა ორგანიზაციის მუშაობის გაუმჯობესების შესახებ“.

ამ დადგენილებაში საკ. ალკკ ც. კ-ი აღნიშნავს, რომ დიდი სამამულო ომის წლების განმავლობაში და ომის შემდგომ დროს პიონერთა ორგანიზაციამ, პარტიისა და კომკავშირის ხელმძღვანელობით, ცოტა წარმატებებს როდი მიაღწია. ომის მძიმე პირობებში ბავშვებს არ ავიწყდებოდათ თავიანთი მთავარი პიონერული ვალი: პარტი სწავლა. ყველას ახსოვს, თუ რა გამირულად სწავლობდნენ ლენინგრაძელი ბავშვები, რომელნიც ბლოკადის უმძიმეს დღეებშიც კი არა სტოვებდნენ სკოლის მერხს. მტრის ზურგში, პარტიზანთა მიყრუებულ ტყიან რაიონებში, პიონერები აკურატულად დადიოდნენ თავიანთ სალაშქრო სკოლაში, რომელსაც ზოგჯერ სასურავიც კი არა ჰქონდა. ოკუპაციისაგან დაზარალებულ რაიონებში ბავშვები დიდებს ეხმარებოდნენ მტრის მიერ დანგრეულ სასკოლო შენობების რემონტში, სათბობის დამაშადებაში, აკეთებდნენ სასწავლო ხელსაწყოებს.

ომის წლებში ასიათასობით პიონერები შრომობდნენ ჩვენი ქვეყნის საკომლემურნო მინდვრებში, აგროვებდნენ ლითონის ჯვართს სამხედრო ქარხნებისათვის, დაჭირლებს უფლიდნენ, ჰოსპიტლებში მორიგეობდნენ. პიონერებს სამშობლოს თავდაცვის ფონდში შექმნიდათ თავიანთი დანაზოგი, ახლა, როგორ ისახელეს თავი ჩვენს ქვეყანაში თემურელმა პიონერებმა! ფრონტელთა ოჯახები მათ ისე ხვდებოდნენ, როგორც ძვირფას, სასურველ მეგობრებს.

შესწყდა ბრძოლის გრძელი სამამულო ომის ფრონტებზე. ჩვენი ქვეყანა მშვიდობიან შრომას დაუბრუნდა, პიონერთა ორგანიზაცია მთელ თავის ძალ-ღონეს იმისკენ მიმართავს, რომ დაეხმაროს სკოლასა და მასწავლებლებს—მტკიცე და ღრმა ცოდნა შეაძენინონ მოსწავლეებს, ჩააბან ბავშვები სამშობლოს საკეთილდღეო საზოგადოებრივ მუშაობაში, რამდენადაც შესწევთ მათ საამისო ძალა.

დიდია პიონერთა ორგანიზაციის მიღწევები, მაგრამ მაინც მის მუშაობაში ცოტა როდია სერიოზული ნაკლი, რაზედაც ნათქვამია საკ. ალკკ ც. კ-ის დადგენილებაში.

რა ნაკლოვანებებია ეს?  
ძალიან ხშირად გვესმის ბავშვების ჩივილი, რომ რაზმში მოწყენილობაა, საინტერესო არაფერია. ხდება ხოლმე, რომ პიონერები ზედიზედ რამდენიმე საათს სხედან დასურული ოთახის შენუთულ ჰაერში და დაუსრულებელ, მომქანცველ მოხსენებებს ისმენენ. ასეთ შეკრებაზე ერთხელ მიხვალ, მეორედ, და შემდეგ სურვილიც დაგეკარგება...

ან კიდევ შეადარეთ მეშვიდეკლასელთა და, მაგალითად, მესამეკლასის მოსწავლეთა პიონერული შეკრება. ზოგჯერ მათ ერთიმეორისაგან ვერ გაარჩევ: იგივე სხდომები, იგივე მოხსენებები, იგივე გამოცვლება. მაგრამ ვანა ერთნაირი მისწრაფებები, ერთნაირი ინტერესები აქვთ უმცროსი და უფროსი ასაკის პიონერებს? ბევრ რაზმში მთელი მუშაობა მხოლოდ შეკრებით გამოიხატება, რგოლები კი არ მუშაობენ. ტექნიკის მოყვარულობა, სპორტი, სამხედრო თამაშობანი და ბევრი სხვა რამ, რაც ბავშვებს აინტერეს-



სებთ, ადგილს ვერ პოულობენ ასეთი რაზმების საქმე-  
ებსა და გვეგებში.

საკ. ალკკ ცენტრალური კომიტეტის დადგენილება  
მოითხოვს გადაჭრით გაუმჯობესდეს პიონერთა ორ-  
განიზაციის მუშაობა. დაე, რგოლში, რაზმში გატარე-  
ბული თითოეული დღე, თითოეული საათი აღსავსე  
იყოს ცოცხალი, წარმატაცი საქმეებით, დაე, დღულდეს  
და გამოსჩქვედეს პიონერული ინციატივა, ბავშვთა  
დაუცბრომელი ენერჯია!

დიდი ძალა მეგობრული პიონერული ოჯახი! პი-  
ონერები ახალი, კომუნისტური საზოგადოების მომა-  
ვალი შემოქმედნი და მშენებელნი არიან. ბავშვობი-  
დანვე ემზადეთ ამ კეთილშობილი და დიადი მუშა-  
ობისათვის, გამოიმუშავეთ სოციალისტური დამოკი-  
დებულება სწავლის, შრომისა და დისციპლინისადმი.  
იყავით მედარნი სიძნელეთა გადალახვაში. სიზუსტე,  
გამბედაობა, მხნეობა, ფიზიკური ამტანობა, კოლექ-  
ტივიზმის გრძნობა, უფროსთა პატივისცემა — აი ის  
თვისებები, რომლებიც უნდა ჰქონდეს თითოეულ  
პიონერს. თქვენ ყველანი ინციატივიანი და ენერჯი-  
ული უნდა იყოთ საზოგადოებრივ მუშაობაში. საკ.

### როგორ უნდა მუშაობდეს პიონერთა რგოლი

**რ**ვენს საბჭოთა ქვეყანაში წმინდა, ურყევი წიხი  
არსებობს: კოლექტივიზმი ცხოვრება, კოლექტივი-  
სათვის, ხალხისათვის მუშაობა. „საბჭოთა კავ-  
შირის პიონერთა სიმღერაში“ სწორედ ასეა ნა-  
თქვამი:

**საბჭოთა მშენებლის პიონერო! იმუშავე, ის-  
წავლმე და იცოცხლმე ხალხისათვის.**

რგოლი ყველაზე მცირე პიონერული კოლექტივია.  
მაგრამ ტყუილად კი არ არის ნათქვამი, რომ მცირე-  
დან დიდი შენდებაო. რგოლში, როგორც წვეთ წყალ-  
ში, აისახება ყველა ის მრავალფეროვანი საქმიანობა,  
რითაც სულდგმულობს პიონერული ორგანიზაცია. ამ  
საქმის მეტ ნაწილს პიონერები ერთობლივ ასრულებ-  
ენ, ერთმანეთს ეხმარებიან. ამიტომ რგოლი ყველაზე  
უფრო მჭიდროდ შეკავშირებული კოლექტივია.

რასაც უნდა აკეთებდეს პიონერი, აკეთებს, უპირ-  
ველესად ყოვლისა, არა თავისთვის, არამედ კოლექტი-  
ვისათვის. რგოლის ხელმძღვანელი, რომელიც თქვენ  
არჩიეთ, რგოლისთვის მუშაობს. შენ რომ სიყვარუ-  
ლით აფორმებ ალბომს—შენც კოლექტივისათვის ცდი-  
ლობ. შენს ამხანაგს რგოლში დაავალა შეაკეთოს  
სპორტული ინვენტარი—ისიც მთელი რგოლისათვის  
ცდილობს.

თავის რგოლის ცხოვრებასა და შრომაში მონაწი-  
ლეობა, ძალღონის შესაფერისი მუშაობის შესრულება,  
თავისი შრომით კოლექტივისათვის დახმარება თითოე-  
ული პიონერის წმინდა მოვალეობაა.

რგოლმა უნდა იზრუნოს, რომ არც ერთი პიონერი  
არ დარჩეს პიონერული დავალების გარეშე და თუ  
ვინმე დაავიწყდებათ კიდევაც, თვით პიონერის ვალია  
მოაგონოს ამის შესახებ, მოითხოვოს თავისთვის სამუ-  
შაო, ბოლოს, თითონ გამოიჩინოს ინციატივა და  
გააკეთოს კოლექტივისათვის რამე, რაც საჭირო და  
სასარგებლოა.

თავისთავად ცხადია, რომ პიონერებს დავალებანი  
გონივრულად უნდა მიეცეთ. პატარებისათვის სხვა

ალკკ ც. კ-ი თითოეული პიონერისაგან მოითხოვს,  
რომ ის მოსწავლისათვის მაგალითი იყოს სწავლასა  
და დისციპლინაში, აქტიურად მუშაობდეს თავის ორ-  
განიზაციაში, იცავდეს პიონერული ორგანიზაციის  
მიერ დადგენილ წესებს.

მხოლოდ ასე შეიძლება მოამზადო შენი თავი  
ლენინურ-სტალინური კომკავშირის რიგებში შესასვ-  
ლელად. კომკავშირულად განდობა კი დიდად საპატიოა  
ნორჩი პიონერისათვის. რაც უფრო იზრდება იგი, მით  
უფრო მეტად ოცნებობს ამ ბედნიერ დღეზე.

საკ. ალკკ ცენტრალური კომიტეტის დადგენილება-  
ში სპეციალური მითითებაა უფროს პიონერთა შესა-  
ხებ: ჩააბან ისინი სკოლის კომკავშირის ორგანიზაციის  
აქტიურ მუშაობაში, მიიწვიონ ხოლმე კომკავშირის  
კრებებზე.

\* \* \*

საკ. ალკკ ც. კ-ი თავის დადგენილებაში არა მარ-  
ტო აღნიშნავს, თუ რა ამოცანები დგას პიონერთა ორ-  
განიზაციის წინაშე, არამედ გვასწავლის კიდევაც, თუ  
როგორ უნდა შესრულდეს ეს ამოცანები, რჩევას ოქ-  
ლევს, თუ როგორ უნდა იქნას აგებული მუშაობა  
რგოლებში, რაზმებსა და რაზმეულებში.

დავალდებანი უნდა იყოს, უფროსებისათვის — სხვა;  
გაგონების ინტერესები შეიძლება სულ სხვა იყოს,  
ვიდრე ბიჭებისა; სოფლელი ბავშვების მოთხოვნილე-  
ბანი ქალაქელთა ინტერესებისაგან განსხვავდება.  
დაე, თითოეულმა ის სამუშაო შეასრულოს, რაც მას  
ყველაზე უფრო მეტად ენერგება, ყველაზე უფრო მე-  
ტად მოსწონს და შეეფერება მის მიდრეკილებასა და  
მისწრაფებას, მაშინ ის გულთიაც იმუშავებს და სარ-  
გებლობაც მეტი იქნება.


რა უნდა აკეთოს რგოლმა? მისი მუშაობის სფერო  
მეტად ფართოა. დავასახელოთ თუნდაც ნაწილი პიო-  
ნერული საქმეებისა, რომლებსაც უნდა ასრულებდეს  
რგოლი.

ექსკურსიები და ლაშქრობანი მშობლიური ადგილე-  
ბის შესასწავლად. საბჭოთა კავშირის ყველა კუთხეში  
ათასობით რგოლები მოგზაურობენ მშობლიურ მხარე-  
ში. აი ასეთი ექსკურსიაში უნდა მიიღოს მონაწილეობა  
ყველა პიონერმა, თუ შესაძლებელი იქნება, რამდენიმე  
მოგზაურობაც უნდა მოაწყოთ. ლაშქრობის დროს  
შეგაროვით მინერალების, მწერების, მცენარეების კო-  
ლექციები. გარდა იმისა, რომ თქვენ თითონ ბევრს  
სიამოვნებთ და ახალ ცოდნას შეიძენთ, საუცხოო სა-  
ჩუქარსაც მიუძღვით თქვენს სკოლას.

გამოვიდა ახალი საინტერესო წიგნი. ეცადეთ იშოვ-  
ნოთ ეს წიგნი და წაიკითხოთ რგოლის შეკრებაზე, თუ  
წიგნი დიდია—რამდენჯერმე შეიკრიბებით. რომ წაი-  
კითხავთ, განიხილეთ, იკამათეთ, დაე, თითოეულმა  
თქვეთაგანმა გამოსთქვას თავისი აზრი. ასევე უნდა  
მოიქცეთ, თუ საბავშვო გაზეთში მოთავსებულთა სა-  
ყურადღებო წერილი.

სწირ-სწირად გამართეთ სპორტული შეჯიბრებანი.  
გახსოვდეთ: ყოველი პიონერი ფიზკულტურული უნდა  
იყოს. პიონერებმა უნდა ისწავლონ რბენა, სტომა, ბა-  
გირზე ცოცვა, სხვადასხვა სპორტული თამაშობა. განა  
არ გინდათ, რომ თქვენმა მძღოლსენებმა, ფრენბურთე-  
ლებმა, ქალაქობას მოთამაშებმა ასახელონ თქვენი  
რგოლი რაზმებისა და რაზმეულთა სპორტულ შეჯიბ-  
რებაში?





უმცროსკლასელების პიონერთა რგოლებში უმჯობესია მეტწილად საბავშვო თამაშობა ტარდებოდეს. 9-10 წლის გოგონებს შეუძლიათ თავი მოიყარონ ხოლმე რგოლში, რომ კაბები შეუტეკონ დედოფლებს. ბიჭებს თავიანთ შეკრებაზე შეუძლიათ სხვადასხვა მანქანები შეადგინონ „კონსტრუქტორის“ ნაწილებისაგან ან, ვთქვათ, რაიმე თავსატეხი გამოიციონ, განვიითარონ მიხვედრილობა, მოსასრებლობა. ასე უნდა შეუთავსდეს სასიამოვნო საქმე სასარგებლოს.

ბევრია ისეთი საქმე, რომელიც პიონერულ მარჯვე ხელს უცდის! საქმეა სკოლის კარმიდამოს გამწვანება—ვინ მოჰკიდებს ხელს ამას?—პიონერები, საქმეა სასპორტო მოედნის გამართვა—ვინ გააკეთებს ამას?—პიონერები, სკოლის ბიბლიოთეკის ბევრი წიგნი დაიფურცლა—ვინ მოუვლის ამ საქმეს?—პიონერები. სწორედ რგოლში სწყდება მთელი პიონერული მუშაობის მთავარი წარმატება. მთელი რაზმის, მთელი რაზმეულის კარგი თუ ცუდი მუშაობა იმაზე დამოკიდებული, თუ როგორ მუშაობს რგოლი.

როგორი უნდა იყოს რგოლის შეკრება? ეს შეკრება შეიძლება სულ სხვადასხვაგვარი იყოს. ყოველი საქმე, რომლის შესასრულებლადაც მოიყრიან თავს პიონერ-

ბი, რგოლის შეკრება, ერთ შემთხვევაში ეს ქალაქკართ ლაშქრობა იქნება, მეორე შემთხვევაში—პიონერულ გავთეში მოთავსებული წერილის ატყუთიანი კითხვა.

რგოლი მაშინ იკრიბება, როცა საქმეა. ბევრი ისეთი საქმე, რომლისთვისაც საქმე არ არის რგოლების შეკრება, მათი შესრულება ერთ, ორ, სამ პიონერს შეუძლია. ვთქვათ, რგოლი თემურელთა მუშაობას ეწევა. იმ ოჯახში, რომლისთვისაც ზრუნავენ ბავშვები, ისინი ყველანი ერთად კი არ წავლენ—თავიანთ ორ-სამ პიონერს გააგზავნიან.

პიონერები ყოველდღე ხვდებიან ერთმანეთს სკოლაში. ეს სრულიად საქმარისია იმისათვის, რომ ერთმანეთს უამბონ რგოლის დავალებათა შესრულებაზე, თავიანთი აზრი გაუზიარონ ახალ საქმეებზე, ერთმანეთს შორის გაინაწილონ ეს საქმეები. სულ სხვაა, როცა ლაპარაკია რაზმის შეკრებისათვის მზადებაზე. ექსკურსიას ან ლაშქრობაზე, ერთობლივ სპორტულ შეცადინეობას ან შეჯიბრებებზე, პარკში, მუზეუმსა და კინოში კოლექტიურად წასვლაზე. რასაკვირველია, ასეთ შემთხვევაში რგოლის ყველა პიონერი იკრიბება.

## როგორ უნდა მუშაობდეს პიონერთა რაზმი



პიონერთა რაზმის მუშაობა უმთავრესად პიონერთა რგოლების მუშაობისაგან შესდგება. აქ განსაკუთრებით უნდა გამოიყოს რაზმის საბჭოს დიდი როლი; საბჭომ მარჯვედ უნდა გაუწიოს ხელმძღვანელობა რგოლებს, დაეხმაროს მათ, აძლიოს ცალკეული დავალებანი, შეამოწმოს ამ დავალებათა შესრულება, შეკრებებზე აღწინის საუკეთესო რგოლები, გააძლიეროს მათ შორის შეჯიბრების მისწრაფება.

როგორი უნდა იყოს რაზმის შეკრება? სკ. ალექსანდრე კომიტეტს საქმეა მიაჩნია რაზმში:

პოპულარული საუბრებისა და მოხსენებათა ჩატარება ბოლშევიკურ პარტიაზე, დიდი ბელადების—ლენინისა და სტალინის ცხოვრებაზე, ჩვენს სოციალისტურ სამშობლოზე, კომკავშირსა და პიონერებზე; რევოლუციური დღესასწაულებისადმი მიძღვნილი შეკრებების ჩატარება. ამ შეკრებებზე ცალკეულ რგოლებს შეუძლიათ გამოვიდნენ მხატვრული თვითშემოქ-

მედების სპეციალურად მომზადებული თავიანთი პროგრამით;

კინოფილმის ან სპექტაკლის კოლექტიური ნახვა და მათი განხილვა, მუშუშუმებისა და გამოფენების კოლექტიური დათვალიერება;

სხვადასხვა ლაშქრობის ჩატარება მშობლიური მხარის შესასწავლად, ტურისტულ ჩვენებში გასაწავად, სამკურნალო მცენარეების შესაგროვებლად, სათხილამურო ლაშქრობათა მოწყობა და ა. შ.

რაზმი აწყობს სხვადასხვა შეჯიბრებას რგოლებს შორის, ატარებს მათი მუშაობის დათვალიერებას, უშვებს რაზმის კვლევის გავით. რაზმის შეკრებაზე ისილავენ რაზმის სამუშაო გეგმებს, რაზმის შეკრებათა თემებსა და გეგმებს, მოსწავლეთა განცხადებებს პიონერულ მათი მიღების შესახებ, ხოლო უფროსი კლასების რაზმებში — პიონერების განცხადებებს კომკავშირში შესასვლელად მათთვის რეკომენდაციის მიცემის შესახებ.

რაზმის შეკრება დაახლოებით თვეში ერთხელ ტარდება.

## როგორ უნდა მუშაობდეს პიონერთა რაზმეული



პიონერთა რაზმეული, რომელიც რაზმების მთელ ჯგუფს აერთიანებს, უკვე დიდი ორგანიზაციაა, მას ძალა შესწევს დიდი საქმეები შეასრულოს. მაგალითად, ბევრ სკოლაში პიონერთა რაზმეულებმა დამოუკიდებლად გაამწვანეს სკოლის კარმიდამოები, მოაწყეს სპორტული მოედნები.

პიონერთა რაზმეულის საბჭომ უფროსი პიონერხელმძღვანელის ხელმძღვანელობით ისე უნდა მოაწყოს თავისი მუშაობა, ისე უნდა გაუწიოს რაზმებს ხელმძღვანელობა, რომ მათ შორის მუდამ სუფევდეს შეჯიბრების სულისკვეთება, საუკეთესო შედეგების მიღწევისადმი მისწრაფება.

რაზმეულის საბჭოს ამოცანაა შეისწავლოს საუკე-

თვის რაზმებისა და რგოლების გამოცდილება, გადასცეს სხვებს ეს გამოცდილება, დაეხმაროს რაზმებს, რომლებიც რაიმე ახალ საქმეს იწყებენ.

რაზმეულის შეკრება დაახლოებით 2-3 თვეში ერთხელ უნდა ტარდებოდეს. ასეთი შეკრება დიდი დღესასწაულია პიონერორგანიზაციისათვის. რაზმის მიერ ახლად მიღებული პიონერები რაზმეულის შეკრებაზე ნორჩი პიონერის სახეობა დაპირებას იძლევიან. რაზმეულის შეკრებაზე ეწყობა ყველა პიონერრაზმის მუშაობის სხვადასხვა დათვალიერება: მხატვრული თვითშემოქმედების ჩვენება, ფიზკულტურული შეჯიბრება, საუკეთესო სპორტული გუნდების ფინალური შეხვედრები, პიონერების თვითნაკეთობათა, ნახატების, რაზმეულის კვლევის გავთეების და სხვა გამოფენები.



რამეულში ტარდება რევოლუციური დღესასწაულებსადმი მიძღვნილი შეკრებანი. პიონერთა რაზმეულის სარედაქციო კოლეგია რეგულარულად უშვებს კედლის გაზეთს.

პიონერთა ინტერესები მრავალფეროვანია, და რაზმს და, მით უმეტეს, რგოლს ყოველთვის არ შეუძლია დააკმაყოფილოს ყველა მათი მისწრაფება და მოთხოვნილება. ამიტომ პიონერთა რაზმეულებთან საჭიროა მოეწყოს ნორჩ ტექნიკოსთა, რადიომოყვარულთა, ავიამოდელისტთა, ნორჩ ნატურალისტთა, წიგნის

მეგობართა, სპორტული, მხატვრული თვითშემოქმედებისა და სხვა წრეები. წრეებში მუშაობა ხელს არ უნდა უშლიდეს სწავლას. საკ. ალკ ცენტრალური კომიტეტი აღნიშნავს, რომ თუ სწავლაში პიონერის წარმატება კლებულობს და თუ სასწავლო მეოთხედში პიონერი არადაამაყაყოფილებელ ნიშნებს მიიღებს ძირითად საგნებში, იგი დროებით უნდა განთავისუფლდეს წრეში მუშაობისაგან მანამდე, სანამ არ გამოისწორებს ნიშნებს.

## სკოლისგარეშე საბავშვო დაწესებულებანი პიონერთა ორგანიზაციის უნდა უხმარებოდნენ



აკავშირო ალკ ცენტრალური კომიტეტის დადგენილებაში ნათქვამია, რომ, ყველა სკოლისგარეშე საბავშვო დაწესებულება — პიონერთა სასახლეები, ნორჩ ნატურალისტთა, ნორჩ ტურისტთა, ნორჩ ტექნიკოსთა სადგურები, საბავშვო კლუბები, პარკები, სტადიონები—ვალდებული არიან დაეხმარონ რაზმეულებსა და რაზმებს მუშაობაში.

## პიონერთა რაზმეულების მიღწეათა დათვალიერება



პიონერებს დიდი ხნიდანვე წესად აქვთ: ეცადონ მხარში ამოუდგინონ საუკეთესოებს. და როცა პიონერები თავს იყრიან სარაიონო, საქალაქო, საოლქო შეკრებებზე, ეს დიდი სადღესასწაულო მოვლენაა პიონერთა ორგანიზაციის ცხოვრებაში, იმიტომ რომ ეს შეკრება პიონერთა მიღწევების დათვალიერებაა. ამ შეკრების დროს აჩვენებენ ისინი საუკეთესოს, რაც კი გაუკეთებიათ რგოლებს, რაზმებს, რაზმეულებს—თავიანთ წარმატებებს. ასე გადადის რაზმიდან რაზმში პიონერული მუშაობის გამოცდილება.

საკ. ალკ ც. კ-მა დაადგინა, რომ საბჭოთა კავშირის ყველა რაიონსა და ქალაქში ყოველწლიურად მოეწყოს სარაიონო და საქალაქო საანგარიშო შეკრება — პიონერთა რაზმეულების მიღწევათა დათვალიერება. ამ შეკრებაზე წარმოდგენილი უნდა იყოს რაზმების მხატვრული თვითშემოქმედების საუკეთესო ნიმუშები, გაიმართოს რაზმეულების სპორტული შე-

კრებანი, ბავშვების მიერ შესრულებული ნახატებისა და ტექნიკური მოდელების გამოფენები. მშობლიურ მხარეში ნორჩ პიონერთა მოგზაურობის დამთავრების შემდეგ საკ. ალკ ც. კ-ში ყოველწლიურად ჩატარდება შეკრება, სადაც მონაწილეობს მიიღებენ ის პიონერები, რომელნიც თავს ისახელებენ ლაშქრობაში.

გადაწყვეტილია ყოველწლიურად მოეწყოს ბავშვთა სახვითი ხელოვნების საკავშირო გამოფენა, რომელზედაც ნაჩვენებია იქნება ბავშვთა საუკეთესო ნამუშევრები ფერწერის, ქანდაკების, მხატვრული ქარავის, ხეზე და ლითონზე ამოჭრის და სხვ. დარგებში.

ყოველწლიურად ჩატარდება ნორჩ პიონერთა საკავშირო დაუსწრებელი შეჯიბრება სროლაში, აგრეთვე ნორჩ ავიამოდელისტთა საკავშირო შეჯიბრებანი. ოლქებში, მხარეებსა და რესპუბლიკებში, რეგულარულად ჩატარდება პიონერთა სხვადასხვა შეჯიბრება შაშში, ქადრაკში, ავიამოდელისტების დამწავლებაში და სხვ.

ყოველწლიურად ჩატარდება ნორჩ პიონერთა საკავშირო დაუსწრებელი შეჯიბრება სროლაში, აგრეთვე ნორჩ ავიამოდელისტთა საკავშირო შეჯიბრებანი. ოლქებში, მხარეებსა და რესპუბლიკებში, რეგულარულად ჩატარდება პიონერთა სხვადასხვა შეჯიბრება შაშში, ქადრაკში, ავიამოდელისტების დამწავლებაში და სხვ.

ყოველწლიურად ჩატარდება ნორჩ პიონერთა საკავშირო დაუსწრებელი შეჯიბრება სროლაში, აგრეთვე ნორჩ ავიამოდელისტთა საკავშირო შეჯიბრებანი. ოლქებში, მხარეებსა და რესპუბლიკებში, რეგულარულად ჩატარდება პიონერთა სხვადასხვა შეჯიბრება შაშში, ქადრაკში, ავიამოდელისტების დამწავლებაში და სხვ.

## ნორჩ პიონერთა საბჭოები




პიონერთა ყველა არსებული სარაიონო, საქალაქო, საოლქო, სამხარეო და რესპუბლიკური შტაბი ა/წ. 1 მაისიდან ნორჩ პიონერთა შესაბამის საბჭოებად გარდაიქმნება და მათ დაერქმევა: „ნორჩ პიონერთა სარაიონო საბჭო“, „ნორჩ პიონერთა საქალაქო საბჭო“, „ნორჩ პიონერთა საოლქო საბჭო“, „ნორჩ პიონერთა რესპუბლიკური საბჭო“. ნორჩ პიონერთა სარაიონო (საქალაქო) საბჭოს თავმჯდომარედ იქნება საკ. ალკ რაიკომის (ქალაქკომის) პიონერთა განყოფილების გამგე; ნორჩ პიონერთა საოლქო (აგრეთვე სამხარეო და რესპუბლიკური) საბჭოს თავმჯდომარედ—კომიტეტის მდივანი სკოლის დარგში.

ისევე როგორც რაზმის საბჭო უწევს ხელმძღვანელობას რგოლის მუშაობას, ხოლო რაზმეულის საბჭო—სკოლის პიონერთა რაზმების მუშაობას, ნორჩ პიონერთა საბჭოები ხელმძღვანელობას გაუწევენ პიონერთა სარაიონო, საქალაქო, საოლქო, სამხარეო და რესპუბლიკურ ორგანიზაციებს. ნორჩ პიონერთა საბჭო სულ მცირე თვეში ერთხელ შეიკრიბება და განიხილავს რაზმეულების პიონერული მუშაობის ყველა მნიშვნელოვან საკითხს.

ნორჩ პიონერთა საბჭოები შესდგებიან კომკავშირული ორგანიზაციების წარმომადგენლების, პიონერ-ხელმძღვანელების, მეცნიერების და ხელოვნების მოღვაწეთა, მწერლებისა და მასწავლებლებისაგან.





იონერები ხშირად გვეკითხებიან: საქირა თუ არა მუდამ ვატაროთ პიონერული ნიშანი და პიონერული ყელსახვევი?

საკ. ალკ ცენტრალური კომიტეტის დადგენილება ნათელ პასუხს იძლევა ამ კითხვაზე. ნორჩმა პიონერებმა ნიშანი მუდამ უნდა ატარონ, რა ტანსაცმელიც უნდა ეცვათ, ხოლო რაზემულებს, რაზემებისა და რგოლების შეკრებაზე და პიონერთა თავმოყრაზე, მარშებზე, გასეირნებაზე უსათუოდ უნდა ჰქონდეთ

გაკეთებული პიონერული ყელსახვევი და ეცვათ საპარალელ ფორმა: თეთრი ხალათი (ზედატანი), მარჯვენა მხარეზე შარვალი (ქვედატანი). მაგრამ პიონერებს თავიანთი ყელსახვევი შეუძლიათ სურვილისამებრ ატარონ ჩვეულებრივ დღესაც (უფორმოდ).

რგოლის ხელმძღვანელებო, რაზმის საბჭოს და რაზემულის საბჭოს თავმჯდომარეები და წევრები მუდამ ატარებენ პიონერ აქტივისტთა განმასხვავებელ ნიშნებს—მარცხენა სახელოზე, იდაყვს ზემოთ.

### ნითელი პიონერული დროვა

1947 წლის 1 ივნისიდან შემოდებულ იქნება წითელი პიონერული დროშები პიონერთა სარაიონო და საქალაქო ორგანიზაციებისათვის, აგრეთვე პიონერთა რაზემულებისათვის.

პიონერთა სარაიონო (ან საქალაქო) ორგანიზაციის დროშის ზომაა 90x120 სანტიმეტრზე. დროშის გარეთა პირზე, ცენტრში, გამოსახულია პიონერული ნიშანი და ნორჩ პიონერთა დევიზი: „ლენინ-სტალინის საქმისათვის საბრძოლველად იყავ მზად!“ დროშის შიდა პირზე აღინიშნება პიონერთა სარაიონო (საქალაქო) ორგანიზაციის დასახელება. მაგალითად: „კუნცევის რაიონის პიონერთა ორგანიზაცია“ ან „ქ. იაროსლავლის პიონერთა ორგანიზაცია“. დროშა ნორჩ პიონერთა სარაიონო (საქალაქო) საბჭოში ინახება.

პიონერთა რაზემულის წითელი დროშის ზომაა 60x80 სანტიმეტრზე, გარეთა პირზე, ცენტრში, გამოსახულია პიონერული ნიშანი და ნორჩ პიონერთა

დევიზი: „ლენინ-სტალინის საქმისათვის საბრძოლველად იყავ მზად!“ დროშის შიდა პირზე აღინიშნება რაზემულის ნომერი, რაიონის (ან ქალაქის) დასახელება და სახელი, რომელსაც ატარებს რაზემული. მაგალითად: „მოსკოვის კრასნაია პრესნიას რაიონის მ. ი. კალინინის სახელობის მე-17 რაზემული“ ან „აღექსანდროვის რაიონის ჩკალოვის სახელობის მე-2 რაზემული“. დროშა ინახება სკოლაში, რაზემულის პიონერთა ოთახში.

რაზემეში პიონერული დროშები არ იქნება. თითოეულ რაზმს წითელი პიონერული ბაირალი ექნება. რაზმის ბაირალს ფორმაა 30 და 60 სანტიმეტრი სიგრძის გვერდების მქონე მართკუთხა სამკუთხედი. ბაირალი დამატებულია 1—1,5 მეტრი სიმაღლის და 2,5—3 სანტიმეტრი დიამეტრის ტარზე. ბაირალზე უნდა ეწეროს ან ამოქარგული იყოს რაზმის ნომერი.

რაზმის ბაირალი პიონერთა ოთახში ინახება რაზემულის დროშასთან ერთად.

საკ. ალკ ცენტრალურმა კომიტეტმა თავისი დადგენილებით დაავალა ყველა კომკავშირულ ორგანიზაციას გააუმჯობესოს პიონერული მუშაობისადმი ხელმძღვანელობა, უფრო მეტი დახმარება გაუწიოს პიონერთა რაზემულებს, პიონერხელმძღვანელებს, მოაწიოს პიონერულ მუშაკთა მომზადება და გადამზადება.

\* \* \* სკოლების კომკავშირულ ორგანიზაციებსა და უფროს პიონერხელმძღვანელებს ევალებათ მასწავლებლებთან ერთად ჩაატარონ მეცადინეობა პიონერთა აქტივთან—რგოლის ხელმძღვანელებთან, რაზმის საბჭოების თავმჯდომარეებსა და წევრებთან.

### კალე ბობოხიძე

#### პიონერული სიმღერა სამშობლოზე

ჩვენო ტურფა ქვეყანავ, გამკობს ია და ვარდი,  
ვინ არის რომ მოწყინდეს შენი ცის ქვეშ ნავარდი!  
თავს ვეველები შენს იერს, მზით ანთებულს, ელვარეს.  
შენ გიმღერის, მშვენიერს, ჩემი გული მღელვარე!  
ძლიერო და ლამაზო, საყვარელო მხარეო,  
მშვენიერო, ალმასო, დატკბი, გაიხარეო!  
შენი დროშა ნათელი ბრწყინავს, ლალის ფერია,  
შენ დაგნათის სტალინი, თავს გეველება ბერია!



# გაზაფხული

გარეთ გამო, მშვენიერი ღღეა,  
ხარობს ია ნაზ კოკორის გაშლით.  
თაიგულად ბაღში თვითონ ხეა,  
ხე — ჩასმული გაზაფხულის ყდაში...  
გარეთ გამო, მშვენიერი ღღეა.

\* \* \*

ახლა შტოზე ფოთლის მეტი რა ჩანს!  
ნარჩიტებმაც „წიავ-წიავ“ დასცხეს,  
გადაუცვამთ უმწვანესი ფარჩა  
პიონერთა სასახლის წინ ცაცხვებს...  
ახლა შტოზე ფოთლის მეტი რა ჩანს!

\* \* \*

სანეტარო დრო დაუდგა ბუღბუღს,  
ართობს ლამაზ ყვავილებზე სტვენა,  
კვლავ უგალობს თვალჩუყუნა სუმბუღს,  
ესმის ვარდის საიდუმლო ენა...  
სანეტარო დრო დაუდგა ბუღბუღს.

\* \* \*

მეც სიმღერა ჩამაგონე ტკბილი,  
გაზაფხულის დახატული მხარვე!  
ღღე ისეთი კარგია და თბილი,  
მზე სხივებით გამოგიყვანს გარეთ.  
მეც სიმღერა ჩამაგონე ტკბილი!



# დენინის სიკაბუკე

(ეპიზოდი ბიოგრაფიიდან)



ულიანოვებს ძლიერ უყვარდათ შვილები. შვილებიც ასევე სიყვარულით უპასუხებდნენ მათ. „ვერაფრით ვერ გავახარებდით მამას ისე, როგორც ჩვენი წარმატებებით, — იგონებდა ანა ილიას-ასული. — უნდა გენახათ, რა სიამოვნებით ილიმებოდნენ დედა და მამა, როცა გიმნაზიიდან დაბრუნებული ვალოდია მამის კაბინეტთან გავლისას უპატაკებდა: ბერძნულში — ხუთი, გერმანულში — ხუთი...“

— ცუდი ბავშვები არა მყავს, — თქვა ერთხელ ილია ნიკოლოზის-ძემ, — მაგრამ ყოველი წყვილი მკვეთრად განირჩევა დანარჩენებისაგან. პირველი წყვილია ალექსანდრე და ანა. ისინი უნარჩანი და ნიჭიერები არიან. მომავალში ღირსეული ადამიანები გახდებიან. მეორე წყვილი — ვლადიმერი და ოლა — შეიძლება ითქვას, უფროსებზე უკეთესები იქნებიან და უფრო შორს წავლენ. მესამე წყვილი — დიმიტრი და მარიამი — საკმაოდ ნიჭიერნი არიან, მაგრამ ჯერ კიდევ რაიმე გარკვეულის თქმა მათზე არ შეიძლება...

ვალოდიას ოთახის გვერდით საშას ოთახი იყო, სადაც მაგიდაზე საშას წიგნები ეწყო. იგი მათ კითხულობდა სახლში უკანასკნელად ყოფნისას. აქ ნახავდით დარვინის „სახეთა წარმოშობას“, მენდელეევის „ქიმიის საფუძვლებს“, მარქსის „კაპიტალის“ პირველ ტომს..

ფურცლავდა ამ წიგნებს ვალოდია, აკვირდებოდა ძმის მიერ ხაზგასმულ სტრიქონებს. ბავშვობიდანვე განსაკუთრებით უყვარდა მას უფროსი ძმა, საშასგან მიიღო მან მარქსის წიგნი და იმ ზამთარს პირველად შეუღლა გენიალური ფურცლების კითხვას.

1887 წლის მარტში მასწავლებელმა ქალმა ვ. კაშკოდომოვამ პეტერბურგიდან მიიღო წერილი, რომელიც გამოგზავნა ლენინის დედის მარია ალექსანდრეს-ასულის ნათესავ ქალს, მწერალ პესკოვსკის მეუღლეს. იგი იწერებოდა, იმპერატორ ალექსანდრე მესამეზე თავდასხმამში მონაწილეობისათვის დაპატიმრებულია ალექსანდრე ულიანოვი. დაპატიმრებული იყო აგრეთვე ანა ილიას-ასული. პესკოვსკაია სთხოვდა კაშკოდომოვას, რომ ეს ეცნობებინა მარია ალექსანდრეს-ასულისათვის (ილია ნიკოლოზის-ძე ულიანოვი ერთი წლის წინათ, 1886 წელს, გარდაიცვალა), მაგრამ წინასწარ მოემზადებინა იგი ამისათვის. „მეშინოდა გაუფრთხილებელი სიტყვით არ შემეშინებინა მარია

ალექსანდრეს-ასული, — იგონებს ვ. კაშკოდომოვა. — გადავწყვიტე წინასწარ მოეთათბირებოდი ვალოდიას...

გამოვუძახე მას გიმნაზიიდან და გადავეცი წერილი, თანაც შევეხვეწე წინასწარ მოემზადებინა დედა. მან წერილი წაიკითხა და ღრმად ჩაფიქრებულმა თქვა: „ჰო... საქმე სერიოზულია“ და წავიდა. რამდენიმე საათის შემდეგ ჩემთან მტკიცე ნაბიჯით შემოვიდა გაფითრებული, მაგრამ დამშვიდებული მართი ალექსანდრეს-ასული და მხოლოდ ერთი სიტყვა მითხრა:

— წერილი!

ყურადღებით წაიკითხა წერილი, სახის არც ერთი კუნთი არ შერხევია. თქვა:

— დღესვე მივდივარ პეტერბურგს. ბავშვებს მიმიხედეთ.

ეს მძიმე დღეები იყო ვალოდიასათვის. გულს უტუმშავდა შიში ძმის მომავალი ბედის შესახებ. ამავე დროს იგი გამალბებით ემზადებოდა გამოსაშვები გამოცდებისათვის. იგი ისე უნდა მომზადებულიყო, რომ უსათუოდ მიეღო ოქროს მედალი, წინააღმდეგ შემთხვევაში ულიანოვის ოჯახის წევრისათვის უნივერსიტეტის ყველა კარი დახშული იქნებოდა.

1887 წლის 22 აპრილს ვალოდიას 17 წელი შეუსრულდა, ხოლო ერთი თვის შემდეგ პეტრე-პავლეს ციხეში სისრულეში მოიყვანეს სასიკვდილო განაჩენი ალექსანდრე მესამეზე თავდასხმის მონაწილეთა მიმართ. მათ შორის იყო ლენინის ძმა ალექსანდრე ულიანოვი.

სიმბირსკში ჩამოიტანეს გაზეთი, რომელშიც დაბეჭდილი იყო მომხდარი ტრაგიკული ამბავი. ოთახში თავმოყრილ ოჯახის წევრებთან ვალოდიამ ხმამაღლა წაიკითხა ეს ცნობა. მან თქვა მკაცრად და მტკიცედ, როგორც ადამიანმა, რომელმაც ყველაფერი წინასწარ განჭვრიტა და მივიდა ურყევ საბოლოო გადაწყვეტილებამდე:

— არა, ჩვენ წავალთ არა ასეთი გზით! ასეთი გზით არ უნდა ვიაროთ!

ლენინი თავიდანვე წინააღმდეგი იყო ინდივიდუალური ტერორისა, მას სწამდა მასობრივი რევოლუციური ბრძოლა.

ქალაქში ყველა ბოძზე გაკრული იყო ცნობა „მეფის მკვლელობა“ სიკვდილით დასჯის შესახებ. გიმნაზიის უფროსებმა აღმაცერად დაუწყეს ცქერა ვლადიმერ ულიანოვს, ხოლო მდიდარი ოჯახიდან გამოსული გიმნაზიელები ყოველმხრივ ცდილობდნენ კბილი გაეკრათ, დაემცირებინათ „მეფის მკვლელის“



ძმა. ვლადიმერი დუმდა, წინააღმდეგ შემთხვევაში შესაძლებელი იყო მისთვის არ მიეცათ ოქროს მედალი ან მიეცათ უარყოფითი დახასიათება, რაც ხელს შეუშლიდა უნივერსიტეტში შესასვლელად.

ვლადიმერი დუმდა, მაგრამ ბევრს ფიქრობდა, ბევრს კითხულობდა. იმ თვეებში იგი ერთბაშად გამოიცვალა: აღარ ხუმრობდა, იშვიათად იცინოდა. ჭაბუკი მოზრდილი ადამიანი გახდა.

სიკვდილით დასჯილი რევოლუციონერის ძმას ფიქრიც არ შეეძლო დედაქალაქის უნივერსიტეტში შესვლაზე. პროვინციულ ქალაქებს შორის ვლადიმერ ულიანოვმა ყაზანი აირჩია. იგი მიღებულ იქნა იურიდიულ ფაკულტეტზე. მაგრამ დიდხანს არ უსწავლია აქ. 1887 წლის 4 დეკემბერს ყაზანის განხეთქილი იყო ცნობა მოსკოვის

უნივერსიტეტში მომხდარი არეულობის შესახებ. იმავე დღეს ყაზანელი სტუდენტები სააქტო დარბაზში შეიკრიბნენ და რექტორს თავიანთი მოთხოვნები წარუდგინეს. კრების აქტიურ მონაწილეთა შორის იყო ახალგაზრდა სტუდენტი ვლადიმერ ულიანოვი.

ყაზანის სასწავლო ოლქის მზრუნველმა სახალხო განათლების დეპარტამენტს აცნობა, რომ ვლადიმერ ულიანოვი „...ჯერ კიდევ კრებამდე ორი დღით ადრე საბაბს იძლეოდა ექვი შეგვეპაროდა იმაში, რომ ცუდი ამბისათვის ემზადებოდა... 4 დეკემბერს კი სააქტო დარბაზში პირველ ჯგუფთან ერთად შეიჭრა და პოლიანსკისთან ერთად ყვირილითა და ხელების ქნევით დარბოდა მეორე სართულის დერეფანში და ამით ამხნევებდა სხვებს...“

სტუდენტებს შორის, რომლებიც თავშეყარაში მონაწილეობდნენ, ვლადიმერ ილიას-ძე

ყველაზე ახალგაზრდა იყო. პირველკურსელი მხოლოდ სამი იყო. როგორც ჩანს, ვლადიმერ ილიას-ძე შეგნებულად ეძებდა უფროს სტუდენტებს შორის რევოლუციურად განწყობილ ამხანაგებს.



ვლადიმერ ულიანოვი გიმნაზიელი

ლები პოლიციელი დარიგების ტონით ეუბნებოდა:

— რა გაჯანყებთ, ახალგაზრდავ? ხომ ხედავთ, თქვენ წინ კედელია! პოლიციელს დაუძლეველ კედლად მიაჩნდა თვითმპყრობელობა.

— კედელი კი არის, მაგრამ ძირმომპალია. თითსა ჰკრავ და დაინგრევა, — ამყად და გაბედულად უპასუხა ვლადიმერ ულიანოვმა.

მხურვალე, ურყევი რწმენა დიდი საქმის გამარჯვებისადმი, — აი რა იგრძნობა მშრომელთა მომავალი მასწავლებლისა და ბელადის, 17 წლის ლენინის ამ პასუხში.





# ვაშლის ნის ნერგი


მზიამ დარგო ამასწინათ  
ვაშლის ნერგი პაწაწინა,  
მერე ფრთხილად შემოლობა  
და შეჰფიცა მეგობრობა.

ჯერ სუსტი აქვს ნერგს ტოტები  
და კვირტებსაც ახლა ისხამს,  
გაზაფხულის სითბო იგრძნო,  
შეიშმუშნა, წახალისდა.

პატარაა ჯერ და მალე  
ფესვს გაიდგამს უფრო ღრმადაც,  
თქვენ გაისად ნახეთ, შტოებს  
როგორ მალლა წამომართავს.

გაიზრდება ნელა-ნელა,  
მზიაც მასთან ითამაშებს,  
ბოლოს უხვად გამოისხამს  
ლაქლაქა და წითელ ვაშლებს.


მზიას დედის სიხარული,  
აბა, მაშინ უნდა ნახოთ,  
როცა მზია შესთავაზებს  
ამ პატარა ნერგის ნაყოფს.





# მეგობრობა

ნახატები პ. გიგოლაშვილისა



მოთხრობა

ჩვენი ქალაქის ერთ ფართო ქუჩაზე ვაჟთა საშუალო სკოლის დიდი შენობა დგას. სკოლას ფართო ეზო აქვს, სუფთა და მიმზიდველი. გაკვეთილებს შორის შესვენებისას ბავშვების თამაშობა და სიმღერა ეზოს ყოველ კუნჭულს აცოცხლებს.

იმ დღესაც, დიდი დასვენების დროს, მოსწავლეები ჩვეულებრივად ერთობოდნენ ეზოში. ერთ ადგილას პირველკლასელებს მაგრად ჩაეჭიდათ ხელები მოსწავლეებისათვის და წრე შეეკრათ, კატა-თაგვობიას თამაშობდნენ. პატარებს სახე დასწითლებოდათ და მერცხლებივით ჟღურტულვებდნენ.

მორიგე მოსწავლეებმა ნიკო ზვიადაურმა მათ გვერდით ჩაუარა, რამდენიმე ბიჭუნას თავზე ხელი გადაუსვა და შემდეგ თვალიერება დაუწყო თავისი კლასის მოსწავლეებს. დიდ ცაცხვთან მან შენიშნა განმარტოებით მყოფი სამი ყმაწვილი. ნიკო ზვიადაურს გაეღიმა და გულში გაიფიქრა:

— აი, ჩემი ტარიელი, ავთანდილი და ფრიდონი... განუყრელი მეგობრები არიან ეს მოსწავლეები. უერთმანეთოდ ვერ სძლებენ.

მართლაც, განუშორებელი მეგობრები იყვნენ ზაზა, დავითი და ვახტანგი. ხუმრობა ხომ არ არის შვიდ წელიწადს ერთად სწავლა, სკოლაში ერთად სიარული, ათასნაირი შემთხვევა და შთაბეჭდილებებით სავესთავადასავალი?!

ნაფიქრსა და ნაზრევს ერთმანეთს არ უმალავდნენ, კინოსურათის ან რომელიმე პიესის სანახავად ერთად დადიოდნენ. ყმაწვილებს ერთმანეთი უყვარდათ და კარგ მეგობრებად ითვლებოდნენ.

კლასში დავითი მარცხენა მხარეს იჯდა. მარჯვნივ კი, მეხუთე მერხზე, ვახტანგის ადგილი იყო. მის წინ ზაზა იმყოფებოდა. ბავშვები კარგად სწავლობდნენ. კლასის ხელმძღვანელი ნიკო ზვიადაური გულისხმიერად ეპყრობოდა ყმაწვილებს და როცა ერთად მიმავალთ დაინახავდა, სიამოვნებით ამბობდა:

— მეგობრობა იციან ამ ბავშვებმა, მეგობრობა! ეს პატარა საქმე როდია. მეგობრობა გრძნობამ ქაჯეთის ციხე დაამსხვრია. კარგია, როცა ამ გრძნობას ბავშვობიდანვე ეყრება საფუძველი.

ასე ფიქრობდა მოსწავლეებელი, მაგრამ ამ ბოლო დროს ზაზამ და დავითმა შეამჩნიეს, რომ ვახტანგი მათთან ყოველთვის გულგახსნილი არ იყო.

\*\*\*

ერთხელ, დასვენების დღეს, ზაზა და დავითი ვახტანგს ესტუმრნენ. დერეფანში შესვლისას მათ მოესმათ ვახტანგის დედის—მარიამის ხმამაღალი ლაპარაკი. მარიამი გაჯავრებული იყო.

— მე შენ გეუბნები, მაგ ბურთს თავი გაანებე! ყველაფერს თავისი დრო აქვს. ჯერ გაკვეთილები მოამზადე და შემდეგ ითამაშე! აი, ვეტყვი მამაშენს ამ ამბავს და, ვნახოთ, რა პასუხს გაცემ!

— ბურთს ყველა თამაშობს, დედა! შენ რატომ ბრაზობ, მე რომ ვითამაშე?!—მოისმა პასუხად ვახტანგის ხმა.—გაკვეთილები დამზადებული მაქვს; მართალია, ალგებრაში დამრჩა რამდენიმე მაგალითი გამოსაცვანი, მაგრამ იმას დილით გავაკეთებ, ძნელი არ არის.

დავითმა კარებთან ჩაახეკლა. ზაზამ გაუბედვად დააკაკუნა. მარიამი გარეთ გამოვიდა და შვილის მეგობრები ოთახში მიიწვია.

— აი, შეხედეთ თქვენს ამხანაგს, რასა ჰგავს!—განაგრძო მარიამმა შვილის საყვედური და მიუთითა ვახტანგზე, რომელიც მაგიდასთან იდგა და ძირგავარდნილ ფეხსაცმელს მალავდა.—ეს ერთი კვირაა ბურთის თამაშის მეტს არაფერს აკეთებს.

ზაზამ და დავითმა უხერხულობა იგრძნეს, ერთმანეთს გაკვირვებით გადახედეს.

საუბარში გამოირკვა, რომ ვახტანგს მეზობლის ბიჭებისაგან შეუდგენია ფეხბურთელთა გუნდი—„არაგვი“, რომელსაც დღეს ქალაქგარეთ პირველი შეჯიბრება ჰქონია მიორე უბნის გუნდთან, მაგრამ „არაგვს“ მშრალი ანგარიშით 4:0-ით წაუგია.

— როგორ მოხდა, ვახტანგ, რომ შენი გუნდის შესახებ ჩვენ არაფერი ვიცოდით?!

— წყენით თქვა დავითმა.

ვახტანგს შერცხვა და თავი დახარა.

— გუნდის ჩამოყალიბების შესახებ არაფერი ვითხარით, ვიფიქრე: არ ვიცი, როგორ მიიღებენ ჩემს მოქმედებას ზაზა და დავითი, იქნებ კიდევ დამცინონ-თქო... შემთხ-



ვევას ვუცდიდი, შეიძლება მალე თქვენც მეტად დაინტერესებულყოფით ფეხბურთით!

— მაინც არ გეპატიება ეს გულწათხრობა. ჩვენ შორის ჯერ ხომ არაფერი ყოფილა დაფარული!—თქვა ზაზამ.

დავითი და ზაზა ძლიერ ნაწყენი იყვნენ ვახტანგის მოქმედებით; უნდოდათ მეტი საყვედური ეთქვათ მისთვის, მაგრამ თავი შეიკავეს.

ეს პირველი წყენა იყო მათ მეგობრულ ურთიერთობაში.

— იცი, რა ვითხრა, ვახტანგ, — შეცვალა საუბრის თემა დავითმა, — ჩვენ შენთან ფეხბურთზე სალაპარაკოდ არ მოვსულვართ, თუ გინდა, ამ საღამოს კლუბში წავიდეთ. პროფესორი სამყაროს აგებულების შესახებ საინტერესო ლექციას კითხულობს. ჩვენი კლასის ხელმძღვანელიც დაესწრება.

ვახტანგი დაფიქრა.

— რას ფიქრობ, შვილო, ლექციაზე როგორ არ წახვალ, — უთხრა შვილს მარიამმა.

დავითი და ზაზა ვახტანგს უცქერდნენ, აბა რას იტყვისო.

— წამოვალ! — თქვა ბოლოს ვახტანგმა და მეგობრებს გაუღიმა.

ამხანაგები ცოტახნის შემდეგ ერთმანეთს დაშორდნენ იმ, პირობით, რომ საღამოს კლუბში კვლავ შეიყრებოდნენ.

\*\*\*

იმ ღამეს ვახტანგის მშობლებს, მარიამსა და როსტომს, ცხარე საუბარი ჰქონდათ.

— ასე არ ივარგებს, რალაც ზომები უნდა

მივიღოთ, ბავშვი გამოიცვალა, გაკვეთილებს ზერელედ ამზადებს, ბურთის მეტი არაფერი ახსოვს. სკოლაში მიდი და ამბავი გაიგე, თორემ შემდეგ გვიან იქნება... — ეუბნებოდა მარიამი მეუღლეს.

დაფიქრებული როსტომი დიდხანს დუმდა, შემდეგ კი ხმამაღლა უპასუხა:

— ვფიქრობ და არ ვიცი, რა ზომები უნდა მივიღო. პირდაპირ გასაოცარია, რა გახდა ასეთი ეს ბურთი?! ოთახში ბურთს თამაშობენ, ეზოში, ქუჩაში, მოედანზეც ხომ ბურთის თამაშია. განა მე გართობისა და თამა-

შობის წინააღმდეგი ვარ! მაგრამ ყველაფერს თავის დრო აქვს, ყველა ფეხბურთელი ხომ არ გამოვა! ჯერ თავისი საქმე გააკეთონ და შემდეგ ითამაშონ.

დიდხანს ილაპარაკეს როსტომმა და მარიამმა. დაწოლის დრომ მოაღწია.

ამ დროს ოთახში ვახტანგი შემოვიდა.

— საღ აღამებ დღეებს, ყმაწვილო? რას ფიქრობ? ახალნაყიდ ფეხსაცმელს ერთ კვირაში ძირი გააგდებინე... შენი ბურთი აღარ გვასვენებს, თამაშს თავისი დრო აქვს! — უსაყვედურა როსტომმა შვილს.

— მე ამხანაგებთან ერთად კლუბში ვიყავი ლექციაზე. არაფერი დამიშავებია. დღეს გაკვეთილები მოვამზადე, შემდეგ ცოტა ხნით ბურთი ვითამაშე! — დარცხვენით უპასუხა ვახტანგმა.

— ცოტა ხნით კი არა, მთელი დღე ბურთს თამაშობ. ეს ერთი კვირაა ნაშუადღევს სულ გარეთ ხარ. ეგრე არ ვარგა, შვილო, — უთხრა მარიამმა.

— მამ კარგი, — მიმართა მამამ ვახტანგს, — ხვალ სკოლაში ერთად წავიდეთ, იქ გავიგებთ, როგორ სწავლობ ამ ბოლო დროს. ჯერჯერობით შენთვის მთავარია სწავლის კაპიტანი იყო, ფეხბურთი კი თავისუფალ დროს ითამაშე.

\*\*\*

დილით ჩვეულებრივზე ადრე აღდგნენ როსტომი და ვახტანგი და სკოლაში წავიდნენ. როსტომმა კლასის ხელმძღვანელი მოიკითხა. ნიკო ზვიადაურმა მამა-შვილი თავაზიანად მიიწვია ცალკე ოთახში. ვახტანგი ცუდ ხასიათზე იყო და თავჩაღუნული იდგა.

როსტომმა პირდაპირ დააწყაო:

— ჩემი შვილის ამბავი მინდა გავიგო. ჩვენ ამ ბოლო დროს უკმაყოფილონი ვართ მისი ქცევით. შინ მოსვლის შემდეგ ბურთის თამაშს უნდება ეს ყმაწვილი. არ ვიცი, როგორ სწავლობს და რას აკეთებს სკოლაში.

ნიკო ზვიადაურმა ვახტანგს გადახედა, თითქოს თვალებით ეუბნებოდა: — შენზე მამის საყვედურს არ მოველოდიო, — შემდეგ როსტომს მიუბრუნდა და ნელი ხმით უპასუხა:

— რასაკვირველია, ხშირად ბურთის თამაშში ბევრ დროს წაართმევს მოსწავლეს. ეს კარგი არაა. მე ვფიქრობ, ვახტანგი არ ჩაიდენს ასეთ საქმეს, ჭკვიანი ყმაწვილია. შეუძლია გაცილებით უკეთ ისწავლოს.

როსტომი მოღვა და შვილს მიმართა:

— ვახტანგ, შენს მასწავლებელთან გეუბნები: ბურთის თამაშს ნუ გადაჰყვები! მე არ გიშლი ხანდახან ითამაშო, მაგრამ ზედმეტი არ ვარგა. სწავლას მოუმატე, წიგნები იკითხე. კვლავაც დაესწარი ლექციებს, როგორც





გუშინ, მაგრამ გიმეორებ: უპირველეს ყოვლისა გაკვეთილები უნდა მოამზადო.

— საესებით სწორია, — დემოქმა კლასის ხელმძღვანელი, — ჯერ გაკვეთილები და შემდეგ სხვა საქმე. კარგია, საჯარო ლექციებს რომ ესწრები. რა ლექცია მოისმინე გუშინ?

— სამყაროს აგებულების შესახებ, პატივცემულო მასწავლებლო! — უპასუხა ვახტანგმა, რომელსაც არ მოეწონა ამ საკითხზე საუბარი.

— სასიამოვნოა! ეს ლექცია გუშინ მეც მოვისმინე, მაგრამ შენ არ მინახავხარ!


— მე ზაზასა და დავითთან ვიჯექი...

ნიკო ზვიდაურს უკმაყოფილება დაეტ-

გობრობა გწამთ, თუ ოდნავ გიყვარვართ, სთქვით, ვახტანგიც ვნახეთო.

ვახტანგის გულისტკივილს ზაზაც მიხვდა და დავითიც, მაგრამ მეტად გამოთვალნი მდგომარეობა შეიქნა: გუშინ ზვიდაურმა კლუბში საგანგებოდ ჰკითხა ზაზასა და დავითს მათი მესამე ამხანაგის შესახებ და ყმაწვილებმა უპასუხეს არ მოსულათ. ახლა რა თქვან?!

განა მასწავლებელი ასე გულმავიწყი იყო, რომ მათი გუშინდელი ნათქვამი არ ხსომებოდა! ეს ხომ აშკარა მოტყუება იქნებოდა! მაგრამ ვახტანგისათვის რა ექნათ! მერე და



ყო. როსტომმა ეს მაშინვე შეამჩნია და იფიქრა: ალბათ ჩემი შვილი ცუდ წრეში არის მოხვედრილი და ამიტომ შვილს წყენით მიმართა:

— ხომ გუუბნებოდი, ვახტანგ, კარგ ამხანაგებთან იარე-მეთქი. შენ კი...

მასწავლებელმა როსტომს სიტყვა შეაწყვეტინა:

— არა, არა, საქმე მაგაში არ არის. ზაზა და დავითი საუკეთესო ბავშვებია, ვახტანგის მეგობრებია. მაგრამ საქმე ისაა, რომ ვახტანგს, მგონი, ტყუილი უსწავლია!

ნიკო ზვიდაურმა გამოიძახა ზაზა და დავითი და წყნარად შეეკითხა:

— ვისთან ისხედით გუშინ ლექციის დროს?

— თქვენთან, პატივცემულო მასწავლებლო! — უპასუხა ზაზამ.

— კიდე?

— მათ ვერ ვიცნობთ...

— ვინ ნახეთ თქვენი კლასიდან?

— პეტრე და გიორგი.

— კიდე?

დალონებულმა ვახტანგმა თავი სწრაფად ასწია, ზაზას და დავითს მიაჩერდა და თვალებით ემუდარებოდა: თუ შვიდი წლის მე-

რანაირად ემუდარებოდა ამხანაგებს თვალებით!

დუმილი ჩამოვარდა.

ზვიდაური ადგა და ბავშვებს კვლავ გაუმეორა:

— მე გეკითხებით: ვინ ნახეთ კიდე ჩვენი კლასიდან?

— არავინ! — მოისმა ზაზასა და დავითის ყრუ ხმით ნათქვამი პასუხი.

თურმე ვახტანგი წინადღის საღამოს, კლუბში წასვლის ნაცვლად, თავისი გუნდის წევრებთან ყოფილა და გეგმას ადგენდა ახალი მატჩისათვის.

გაკვეთილების ზარიც დარეკეს. მოსწავლეები კლასში წავიდნენ. ოთახში მარტოდ დარჩნენ როსტომი და ნიკო ზვიდაური.

\*\*\*

გაკვეთილებზე ვახტანგი დაღვრემილი იყო. პირველ მარცხს მეორეც მოჰყვა. ყოველთვის ასეა, როცა გასაკეთებელ საქმეს უმიზეზოდ გადადებს ხოლმე კაცი. ალგებრის მაგალითები ვახტანგს გამოუყვანელი დარჩა: ვერც შინ მოასწრო და ვერც სკოლაში. დავალების შეუსრულებლობისათვის მასწავლებლისაგან საყვედური მიიღო.



ამის შემდეგ ერთი კვირის განმავლობაში ხასიათზე არ მოსულა. ზაზასა და დავითსაც კი უსაყვედურებდა.—რატომ მეტ თანაგრძნობას არ მიწევთო, მაგრამ მათ შორის პატარა უკმაყოფილება დიდხანს არ გრძელდებოდა. ყმაწვილებს ყოველთვის მაინც ერთმანეთისაკენ მიუწევდათ გული.

მათ მეგობრობაში ყველაფერი კარგად იქნებოდა, რომ ერთ გარემოებას არ ეჩინათ თავი.

ვახტანგმა ვერ იქნა და ვერ მოიშორა ბურთზე ფეხი! ხან „არავგის“ ცუდად მოთამაშე მარცხენა გარემარბი აგონდებოდა, ხან მეკარე, რომელმაც უსინდისოდ გაუშვა ოთხი ბურთი. ვახტანგი ადგენდა ახალ-ახალ გეგმებს გუნდის სახელის დასაცავად.

იყო დღეები, როცა ვახტანგი სრულიად მიანებებდა თავს ბურთის თამაშს და მთელი გულისყური გაკვეთილებისაკენ ჰქონდა, მაგრამ თუ ერთხელ ითამაშებდა, საზღვარი არ იცოდა: თამაშობდა სკოლაში, ქუჩაშიც და თავის გუნდშიც. გაკვეთილების მოსამზადებლად კი დროს იშვიათად შოულობდა.

ამის გამო მისი ცოდნა ბევრ საგანში მტკიცე არ იყო. ზაზა და დავითი წუხნდნენ, რომ მათი საყვარელი მეგობარი სწავლაში თანდათან უკან რჩებოდა და ერთხელ, მარტოდ ყოფნის დროს, უთხრეს:

— შენ წინათ უკეთესად სწავლობდი, ვახტანგ, ახლა რა გეპარტება, არ ვიცით. მართლა ხომ არ გგონია, რომ შენგან დიდი ფეხბურთელი გამოვა? თუნდაც ასე იყოს, რომელი ფეხბურთელია, რომ ბურთს გარდასხვა სპეციალობა არ ჰქონდეს?

— ნუ გეშინიათ, არ ჩამოვარჩებით,—უპასუხა წყევით ვახტანგმა.



რამდენიმე დღის შემდეგ მათ საკონტროლო წერითი სამუშაო ჰქონდათ ალგებრაში. გაუჭირდა ვახტანგს ამოცანის ამოხსნა. დიდხანს ეწვალა, რამდენიმე სტრიქონი დაწერა, მაგრამ არაფერი გამოუვიდა. ბოლოს ვერ მოითმინა, მერხის ქვეშ ფეხი გააპარა და ზაზას წაკრა: თავი გასწი, უნდა გადავიწერო. მაგრამ ზაზამ უარი უთხრა:—შენ თვითონ ამოხსენი ამოცანაო.

ამას კი აღარ მოელოდა ვახტანგი. სახეზე ჭარხალივით წამოწითლდა და ხმის ამოუღებლად კალამი დადო. მასწავლებელმა რეგულაციები შეაგროვა და რამდენიმე დღის შემდეგ ვახტანგმა გაიგო, რომ მან ორიანი მიიღო.

ამ შემთხვევამ მეგობრებს შორის მწვავე შელაპარაკება გამოიწვია. ზოგიერთი მოსწავლე ზაზას ამტყუნებდა და ამბობდა:

— ძალიან დიდად მოაქვს თავი! ვითომ ეგეც ამხანაგია! რა იქნებოდა, რომ გადაეწვინებინა ვახტანგისათვის?! ვახტანგიც ხომ ხუთიანს მიიღებდა! ჩვენს კლასში ზაზასავით არავინ მოიქცევა.

— მე მოვიტყევი ზაზასავით!—მტკიცედ თქვა დავითმა.—არც გადავაწვინებ ვინმეს, არც მე გადავიწერ, არც ვუკარნახებ, არც სხვისი კარნახი მინდა.

— ბიჭოს, რა ყოფილხარ! ვერ გიცნობდი თურმე... მე კი მეგობარი მეგონე!—უპასუხა ვახტანგმა.

— სწორედ რომ შენი მეგობარი ვარ, ამიტომ არც გადავაწვინებ და არც გიკარნახებ.

— რატომ?—იკითხა ერთმა მოსწავლემ.

— მე ვიცი რატომ!—ჩაერია საუბარში მეორე მოსწავლე პეტრე,—როცა იმედი გაქვს მაინც მიკარნახებს ვინმეო, გაკვეთილებს ერთი წაკითხვით ამზადებ, ან სრულიად არ ამზადებ. ეს კი გამოცდების დროს ორიანებით დაგასაჩუქრებს, როგორც მე მომივიდა წინათ. აბა, თქვენს გულში ჩახედეთ, რამდენჯერ წამოსულხართ ამხანაგების იმედით გაკვეთილმოუზადებელნი? ხშირად გასულხართ კიდევ ფონს, მაგრამ ეს რა ფონს გასვლა! ცოდნა არ გექნება, და ჩვენ ხომ იმიტომ არ დავდივართ სკოლაში, რომ უცოდინარები გავიდეთ სკოლიდან?!

— მართალს ამბობ, პეტრე,—თქვა დავითმა,—მაგრამ ვახტანგს არ უნდა ეს დაიჯეროს. თუ მას მე არ გადავაწვინებ, არ ვუკარნახებ, ამას მტრობით კი არ ჩავიდენ, არამედ მეგობრობით. მე მინდა, ვახტანგმა ისწავლოს, თვითონ დაწეროს და მცოდნე ყმაწვილი გამოვიდეს.

დავითის სიტყვა ბევრმა მოიწონა, მაგრამ ვახტანგი მაინც დიდად ნაწყენი იყო მეგობრებზე.

იმ დღიდან მათ თვალს არიდებდა.

\*\*\*

ნიკო ზვიადაურმა ყველაფერი იცოდა, რაც კლასში ხდებოდა. ის უსიტყვოდ უწონებდა ზაზასა და დავითს საქციელს. ამავე დროს ყურადღება და მზრუნველობა არ შეუწინებელია ვახტანგის მიმართ.



— განა ცუდი ბიჭია ვახტანგი! არა, ცოტათი გზას ასცდა და უნდა ვუშველოთ. მე მგონია, მალე მობრუნდება ჩვენკენ.

მალე ასეც მოხდა.

ვახტანგი დაუფიქრდა თავის მდგომარეობას. მოწაფეების წინაშე დარცხვენილი მიხვდა, რომ არ არგებდა ბურთის თამაშით მეტისმეტი გატაცება. თავისთავს შეებრძოლა, ნებისყოფა გამოიჩინა და შესძლო გამოენახა დრო მეცადინეობისათვის.

ვახტანგი თანდათან უმატებდა სწავლას, წარმატებას იჩენდა და თავაზიანობით ყველას ყურდლებას იპყრობდა.

მალე ვახტანგი ისევ ის ვახტანგი იყო, როგორსაც იცნობდნენ შვიდი წლის მანძილზე ზაზა და დავითი. მაგრამ უცნაური ის იყო, რომ ამ სასიამოვნო ცვლილებამ სრულებით ვერ გამოიწვია ვახტანგის შერიგება და დაახლოება მეგობრებთან. რამდენჯერ მონინდომეს ზაზამ და დავითმა ვახტანგთან ძველი ურთიერთობის აღდგენა, მაგრამ ამოდ: ვახტანგს მაინც გული არ გაუმრთელდა მათზე.

— ან სიამაყით მოსდის, ან სირცხვილით, — ფიქრობდნენ ზაზა და დავითი.

ბევრჯერ სცადა კეთილი ხასიათის პეტრემ მოეღობა ვახტანგის გული, მაგრამ მუდამ ასეთ პასუხს ღებულობდა:

— არ ვუყვარვარ დავითსა და ზაზას. რა

მოხდებოდა, ზაზას რომ ეშველა მაშინ ჩემთვის? მე მეგობრისათვის ცეცხლში გადავვარდები!

ერთ დღეს ნიკო, ზვიადაური კიბის ველ საფეხურზე იდგა და შინ მიმავალ თავის მოსწავლეებს აცილებდა. წინ, რამდენიმე ამხანაგთან ერთად, გაიარა ვახტანგმა, მოშორებით მათ მიჰყვებოდნენ ზაზა და დავითი.

კლასის ხელმძღვანელმა ყმაწვილები შეაჩერა და ჰკითხა:

— შერიგდით?

— არა, პატივცემულო მასწავლებელო! — უპასუხა დავითმა.

— მე არაფერი დამიშავებია მისთვის, — თქვა ზაზამ.

— პირიქით, თქვენ მას საუკეთესო მეგობრობა გაუწიეთ, — უთხრა ზვიადაურმა.

— მეც ეგრე მეგონა, მეგობრობა გავუწიეთ მეთქი, მაგრამ რატომღაც ჩვენი მეგობრობა დაირღვა! — უპასუხა დავითმა გულსტკენით.

მასწავლებელს გაეცინა:

— არა, მეგობრობა ასე ადვილად არ ირღვევა. მეგობრობამ ქაჯეთის ციხე აიღო! ვახტანგი თავის გულში თქვენი მადლიერია, მაგრამ ჯერჯერობით თავისი ყმაწვილური სიამაყე აჩერებს ალბათ. მალე შერიგდებით.



## შალვა ამისულაშვილი

### ბერ მუხაში ჩადგა წყალი...

გაზაფხულდა, მისი მადლით  
წყალი ჩადგა ბერ მუხაში,  
ღამეს დარდი მოემატა,  
გაუხუნდა წვერ-ულვაში...  
მარტმა, ფიცხმა და მზიანმა,  
ბროწეულის, ლეღვის გარდა,  
ყველა ხე და ყველა ბუჩქი  
ყვავილებით გადაბარდნა...  
ცხენს მუხლებში ძალა მისცა,  
მოატარა მთა და ბარი,  
სახედარიც აკუნტრუმა  
უწყინარი, თავმდაბალი...

აპრილს გულმა ვერ გაუძლო,  
შემოახტა თავის თეთრონს:  
— ჩქარა, ცხენო, ემანდ მარტმა  
ყვავილი არ დამიბერტყოს!  
ესა სთქვა და... ცის თავანზე  
გაიღვია მისმა ხმაღმა,  
ღრუბლებს უბე გადაუხსნა,  
წვიმა ასვა მიწას ხარბად...  
მერე უცბათ დაიქუხა,  
კლდე შეტოკდა შემფოთებით,  
და აპრილმა სამაისოდ  
გამოასხა ხეს ფოთლები!



# ერთი ციყვის ამბავი

სოფლის ბოლოს ერთი ბებერი, ფულურო-იანი ცაცხვი იდგა. ფულუროს ვიწრო შესასვლელი ჰქონდა, მაგრამ შიგნით იმდენად განიერი იყო, რომ საკუჭნაოდ გამოდგებოდა.

ამ ფულუროში ერთი ახალგაზრდა, მარტოხელა ციყვი ცხოვრობდა, უხასიათო და უმეგობრო. არავინ იცოდა, საიდან იყო იგი მოსული.

ერთი დიდი სურვილი ჰქონდა მას: უნდოდა ფულურო სანოვავით პირამდის აეესო. — ამ საწადელს თუ მივალწიე, მხოლოდ მაშინ ვიქნები ბედნიერი, — ფიქრობდა ციყვი.

ცაცხვის გარშემო თხილნარი იყო, რომელიც ყოველწლიურად უხვად ისხამდა ნაყოფს. მახლობლად რკოთი დახუნძლული უზარმაზარი მუხებიც იდგა. ეს გარემოება საუკეთესო პირობებს უქმნიდა ციყვს თავისი საწადელის მისაღწევად.

დამწიფდა თუ არა თხილი, ციყვი დაუღალავად შეუდგა ფულუროში თხილის შეზიდვას. მაგრამ იმდენად გაუმადლარი იყო, რომ ტყეში ციყვებისა და თხილის მოყვარული ცხოველების გამოჩენას ვერ იტანდა. ასე ეგონა, თითქოს ისინი ნაშრომს სტაცებდნენ მას. ამის გამო ყველას ედავებოდა. გაუმადლობისა და ჭირვეულობის გამო მეზობლებს არ უყვარდათ. ეს გარემოება ციყვს არ სწყინდა: თუ არავინ მოვა ჩემთან, მით უფრო კარგია, — ფიქრობდა იგი, — ვერც ვერაფერს მთხოვენ და ვერც ვერაფერს წამართმევენო.

ერთ დღეს ციყვის მეზობელი ყვავი ცაცხვის ტოტზე ისვენებდა. ხანდახან სიამოვნებით გადახედავდა ბუდეში ჩაძინებულ ბახალებს. ტყიდან მომავალი თხილით დატვირთული ციყვი რომ დაინახა, თავისდა უნებურად ჩამოსძახა:

— რა დაუღალავი ხარ, მეზობელო! ამდენ

სანოვავეს რომ აგროვებ, გეტყობა, ოჯახის შექმნას აპირებ!

ციყვი შეჩერდა და წყენით ახელა ყვავს.

— როგორ გეკადრება ასეთი ლაპარაკი! ოჯახის შექმნას როგორ გავბედავ! რა მამაღია! ჩემი მონაპოვარი მე თვითონ ორ დღესაც არ მეყოფა!

ყვავმა უხერხულობა იგრძნო. — რა მრჯიდა, რომ გამოველაპარაკე! — თავისთვის ჩაიხურჩულა, ციყვს კი დასამშვიდებლად უთხრა:

— არა, საწყენად კი არ მითქვამს, მეზობელო. დაუღალავად რომ მუშაობ, ვიფიქრე: მეგობრის მოყვანას თუ აპირებს-თქო!

— მეგობრის პოვნა ღარიბს სად შეუძლია! — თქვა ციყვმა და საცოდავად თავი დახარა.

— აგრე რად ფიქრობ! კარგ მეგობარს თუ ამოირჩევ, ურიგო არ იქნება, მუშაობაში დაგეხმარება და იცხოვრებთ ბედნიერად.

— ოჯახის შექმნა რა ჩემი საქმეა! — წა-





მოიძახა აღშფოთებულმა ციყვმა, — შვილებს მოვლა და საჭმელი დასჭირდებათ! მე კი მშვიერ კუჭს ვერ ვიძღებ.

— ჰმ! — ჩაიციხა ყვავმა, — შენი სიმდიდრე ჩემი თვალით ვნახე და, საკვირველია, ტყუილის თქმა ახლო მეზობელთან რატომ გჭირდება?!

— როგორ! თქვენ ჩემი სიმდიდრე ნახეთ?! — გაიკვირა ციყვმა. — ცრუობთ! ყვავი ტოტიდან ჩამოფრინდა და ციყვის წინ დაჯდა.

— რადგან თქვენს სიმდიდრეზე ლაპარაკი ასე გაბრაზებთ, — ხმადაბლა თქვა ყვავმა, — არ მინდა ჩემი ნათქვამი სხვებმა გაიგონონ. გუშინ ჩემი ერთი მეტიჩარა ბახალა ბუდიდან გადმოვარდა, ვითომ გავფრინდებო, და შენს ფულუროში კი ჩავარდა. როდესაც მის ამოსაყვანად ფულუროში შევედი, კინალამ გავგიჟდი, მობრუნება გამიჭირდა: იმდენი სანოვაგე მარტოხელამ როგორ მოაგროვე?!


ყვავი უმალ ცაცხვზე შეფრინდა და იქიდან დაუწყაო ციყვს ცქერა, — აბა, ვნახოთ, რას იტყვის ან როგორ მოიქცევაო. მაგრამ რეტდასხმულ ციყვს ხმა არ ამოუღია. ერთ ხანს გაშტერებული იდგა... ყვავი რომ არ დაენახა, ზევით არ აუხედავს. ბოლოს გული დაიმშვიდა: მაგასთან დავა არ ღირს. აბა, რისი ყვავია, თუ არ იყრანტალაო. და თხილი სანქაროდ სოროში შეყარა. შემდეგ უმალვე ტყისკენ გაბრუნდა სანოვაგის მოსაზიდად.

შემოდგომა დაიწყო. ტყეში რკო დაშვიფდა. ახლა, თხილთან ერთად, რკოს მოგროვებაც შეუდგა ციყვი. მოსვენება არ ჰქონდა. არც ჭამა ახსოვდა, არც სმა. ღამით, როცა დაქანცული ციყვი თავის მოგროვებულ სანოვაგეზე ისვენებდა, ხელში კაკლებს ათამაშებდა, შიოდა, მაგრამ შესაჭმელად ერთსაც არ იმეტებდა.

ძილი ფრთხილი ჰქონდა. ეშინოდა, არავინ გამქურდოსო, და ხშირად იღვიძებდა. გიჟივით დაათვალიერებდა თავის დოვლათს, ხომ არა მაკლია-რაო.

შემოდგომა მიიწურა. ციყვი ისევ დაულავად აგროვებდა რკოსა და თხილს.

ერთ დღეს მას ბებერი ციყვი ეწვია. საბ-



რალოსათვის მონადირე ძაღლს ცალი ფეხი დაეგლიჯა და საზრდოს შოვნა არ შეეძლო. მეზობლები, ვისაც რით ეხერხებოდა, დაეხმარნენ. ავადმყოფმა მორიდებით დახმარება სთხოვა ახალგაზრდა ციყვს. გაუმადლარმა ციყვმა ზედაც არ შეხედა და გულმოსულმა ჩაიბურღლუნა:

— იმისათვის კი არ ვიკლავ შრომით თავს, რომ ჩემი ქონება მაწანწალებს დავურიგო! ან რა ქონების პატრონი ვარ! ჩემი მონაპოვარი მე ძლივს მეყოფა!

ბებერი ციყვი სახტად დარჩა. არ მოელოდა ახალგაზრდა ციყვისაგან ასეთ მოპყრობას. სიმდიდრეს გაუბლენძიაო, — იფიქრა და შეურაცხყოფილი უკან გაბრუნდა.

დადგა ზამთარი. ცოტა წამოთოვა. ციყვი სუსხმა ვერ შეაშინა, კვლავ დაულავად აგროვებდა სანოვაგეს. ფულურო ისე გააყსო დოვლათით, რომ შიგ ძლივსლა შედიოდა. მაგრამ მისი ნატვრა ხომ ფულუროს პირამდის გავსება იყო!

ერთ დღეს იმდენი მოზიდა სანოვაგე, რომ

4338

საქართველოს  
საგარეო  
მართლობის  
სახელმწიფო  
ბიბლიოთეკა





მის შესანახად ფულუროში ადგილი ვერ ნახა.

გული დასწყდა ციყვს — ფულურო რატომ უფრო დიდი არ არისო, — ამოიხრა დაღონებულმა და მოტანილი სანოვაგე ფულუროს შესასვლელთან დაყარა.

ციყვმა მიაღწია საწადელს — ფულურო პირამდის ჰქონდა დოვლათით სავსე, მაგრამ კმაყოფილი მაინც არ იყო. ტყიდან კიდევ

შეიძლებოდა თხილისა და რკოს მოზიდვა, მაგრამ სად შეენახა?!

იმ ღამეს ძლიერი ყინვა დადგა. გარეთ მყოფ ციყვს ძაგძაგი დააწყებინა. შეალამისას მან იგრძნო, რომ იყინებოდა. ფულუროსათვის უნდა შეეფარებინა თავი, მაგრამ იქ მისთვის ადგილი არ იყო. საჭირო იყო მოგროვილი სანოვაგის ნაწილი ფულუროდან გამოეყარა, ციყვი კი ერთ კაკალსაც არ იმეტებდა ფულუროდან გამოსადგებად.

— რა კარგია ახლა თბილი კერა, მეგობარი, ოჯახი! — ამბობდა ციყვი. გრძნობდა, რომ ავად იყო, შეელას საჭიროებდა, მაგრამ ახლომანლო ერთი სულიერი არსებაც არ იმყოფებოდა.

ყინვა თანდათან ძლიერდებოდა. აძაგაგებულ ციყვს მოთმინება დაეკარგა. გადაწყვიტა ფულუროდან სიმდიდრის ნაწილი გამოეყარა, რათა თავისთვის ადგილი გაეთავისუფლებინა. დიდი გულისტკივილით წავლო პირველ კაკალს პირი... მაგრამ იმდენად დასუსტებული აღმოჩნდა, რომ მისი დაძვრაც ვერ შესძლო.

დილით იგი მკვდარი იპოვეს ფულუროს შესასვლელთან: თავის მიერ მიზიდულ თხილისა და რკოს გროვაზე დამჯდარი გაყინულიყო.





# მოსკოვი

ვრცელია ჩვენი დიადი სამშობლო... 11.500 კილომეტრზე გადაჭიმულა დასავლეთიდან აღმოსავლეთისაკენ, ოთხი ათას კილომეტრზე გაშლილა მისი სივრცე ჩრდილოეთიდან სამხრეთისაკენ. ორი ოკეანე და თოთხმეტი ზღვა აკრავს გარს ჩვენს მშობლიურ მიწას... დედამიწის მეექვსედი ნაწილი უკავია ჩვენს ქვეყანას.

ჩვენი დიადი სამშობლოს ყოველ კუთხეში საბჭოთა ხალხის აზრი და გონება, გულსყური მიპყრობილია ქვეყნის გულისადმი — მოსკოვისადმი.

მოსკოვი... მასთან დაკავშირებულია დიდი რუსი ხალხის მრავალსაუკუნეანი ისტორია, საბჭოთა ხალხის ოცდაათი წლის გამირული ისტორია.

## ისტორია მოგვითხრობს...

იმ გორაკზე, სადაც ამჟამად კრემლი მდებარეობს, XII საუკუნის დამდეგს იყო დაბა მოსკოვი. უხსოვარ დროს აქ სლავიანური ტომის—ვიატიჩების დასახლება იყო. ეს დასახლება მდიდარი ბოიარინის სტეფანე ივანეს-ძე კუჩკას სამფლობელოების შემადგენელ ნაწილს წარმოადგენდა. არსებობს ერთ-ერთი ლეგენდა, რომლის თანახმად ბოიარინ კუჩკას შეებრძოლა სუზდალის მთავარი, ვლადიმერ მონომახის ვაჟი—იური დოლგორუკი. გამარჯვება წილად ხვდა თავად იურის, რომელმაც თავი მოჰკვეთა კუჩკას და ხელთ ჩაიგდო მისი სამფლობელოები. ეს ლეგენდა მოსკოვს ეკუთვნის და სინამდვილესთან ახლოა. მართლაც, ძველად მოსკოვს ორი სახელი ჰქონდა: მოსკოვი და კუჩკოვო. მოსკოვის ახლომახლო ადგილებმა შეინარჩუნეს სახელწოდებანი, რომელნიც სიტყვა „კუჩკას“-გან წარმოიშვნენ.

ძველ დოკუმენტებში დაბა მოსკოვი პირველად იხსენიება 1147 წლის 4 აპრილს.

1147 წელს სუზდალის მთავარმა იური დოლგორუკიმ სტუმრად მიიწვია ნადიმზე თავისი მოკავშირე მთავარი სვიატოსლავი ერთ-ერთ დღესასწაულზე, რომელიც იმ წელს 4 აპრილს აღინიშნებოდა. სწორედ

იური დოლგორუკის ეკუთვნის სიტყვები, რომლებითაც მან მიმართა სვიატოსლავს: „მოდი ჩემთან, ძმავ, მოსკოვში“.

(„Приди ко мне, брате, в Московь“).

1156 წელს მოსკოვს იური დოლგორუკიმ ხის კედელი შემოავლო. მე-14 საუკუნისათვის მოსკოვი პატარა სამთავროს სატახტო ქალაქი გახდა. თათარ-მონღოლების გაძულებულმა თარეშმა აიძულა მთავარი ივანე კალიტა (1328-1341) გაემაგრებინა ქალაქი. კალიტა მოსკოვის ირგვლივ ერთ სახელმწიფოდ ჰკრებდა რუსთა დაქსაქსულ სამთავროებს.

1367 წელს მოსკოვის ახალგაზრდა მთავარმა, ივანე კალიტას შვილიშვილმა დიმიტრიმ (დონელი) კრემლის კედლები თეთრი ქვისაგან ააგო. ამ კედლებმა ას წელზე მეტ ხანს იარსება.

## მოსკოვის კრემლი

მოსკოვის სამეფოს დიდმა მთავარმა, „სრულიად რუსეთის პირველმა ხელმწიფემ“ ივანე მესამემ დაიწყო მოსკოვის გამშვენებება. მოსკოვის პატარა კრემლი ივანე III გააფართოვა და დიდ ციხე-დარბაზად გადააკეთა. გამომწვარი აგურისგან კრემლის კედლების აგებას ხელმძღვანელობდა გამოჩენილი იტალიელი ხუროთმოძღვარი არისტოტელე ფიორავანტი. დღესაც ძირითადად შერჩენილია იმდროინდელი კედლები, რომელთაც 30 წელზე მეტ ხანს აშენებდნენ.

1635-36 წლებში რუსმა ოსტატებმა ბაჟენ ოგურცოვმა, ტროფილე შარუტინმა, ანტონ კონსტანტინოვმა და ლარიონ უშაკოვმა ააგეს სამეფო კოშკები, რომლებიც ახლა კრემლის დიდი სასახლის შემადგენლობაში არიან.

პეტრე პირველის დროს კრემლში აგებულ იქნა არსენალი, ხოლო მე-18 საუკუნეში კრემლი გამშვენდა საუცხოო შენობებით: კრემლის მცირე სასახლითა და სენატით (ახლა საბჭოთა კავშირის უმაღლესი საბჭოს შენობა), რომელთა ავტორი იყო გამოჩენილი რუსი ხუროთმოძღვარი მატვეი თედორეს-ძე კაზაკოვი.

მე-17 საუკუნის ოციან წლებში ინგლისელმა მესაათემ ჰალოვეიმ სპასის კოშკზე მოაწყო ახალი საათი. ამის შემდეგ საათი



იცვლებოდა სხვადასხვა დროს, მაგრამ კურანტების მულოდიური ჰანგები კი მოსკოვის კრემლის აუცილებელ ნაწილს შეადგენდნენ.

1838-49 წლების განმავლობაში აგებულ იქნა კრემლის დიდი სასახლე, სადაც ამჟამად უმაღლესი საბჭოს სესიები ტარდება. იმავე წლებში აგებულ იქნა ე. წ. საჭურველთა პალატი, რომელიც ახლა ძველი რუსული გამოყენებითი ხელოვნების მუზეუმს წარმოადგენს.


მოსკოვის კრემლი 18 კოშკისაგან შედგება: მათგან ხუთ კოშკს ჭიშკარი აქვს (სპასის, ნიკოლის, ტაინიცის, ტროიცისა და ბოროვიცის). ცილინდრული სამი კოშკი განლაგებულია სამკუთხედის ფორმის მსგავს კრემლის კედლების კუთხეებში. დანარჩენი ათი კოშკი უჭიშკროა და შედარებით მცირე ზომისაა.

როდესაც გაიგო მის წინ იყო ვლადიმერ ილიჩი, მხედრულად გასწორდა და საზეიმოდ მიესალმა საბჭოთა მთავრობის მეთაურს. ილიჩმა ჩვეული ღიმილით შეხედა ჯარისკაცს და პასუხად ხელი ქუდთან მიიტანა.

— აღმართეთ კრემლზე წითელი დროშა! — ბრძანა ილიჩმა და წითელი ალამი კრემლზე, მოსკოვზე, მთელ რუსეთზე აფრიალდა. და აი, 30 წელია წითელი ალამი ამაყად ფრიალებს კრემლის თავზე, ალისფრად დაჰყურებს მის მშვენიერ სასახლეებს, ჩვენს ქვეყანას.

### გენიალური რეკონსტრუქციის დიადი გეგმა

მოსკოვი თავისი ნაგებობებით, დაგეგმვით ვერ აკმაყოფილებდა მზარდ მოთხოვნილებებს. დედაქალაქის გეგმაში ბევრი რამ იყო



მოსკოვი. წითელი მოედანი XVIII საუკუნეში

### წითელი დროშა კრემლზე

1918 წლის 12 მარტს საბჭოთა მთავრობა პეტროგრადიდან მოსკოვს გადავიდა. თითქმის ორასი წლის განმავლობაში (1714 წლიდან) რუსეთის დედაქალაქი პეტროგრადი იყო. 1918 წლის გაზაფხულზე მოსკოვი გამოცხადდა ჩვენი ქვეყნის დედაქალაქად.

1918 წლის მარტის ნათელ დღეს კრემლის ტროიცის ჭიშკარს ავტომობილი მიუახლოვდა. გუშაგმა მანქანის გაჩერება ბრძანა და მგზავრებს საშვი მოსთხოვა. საშვი უჩვენეს. გუშაგი პირადად ვერ იცნობდა ლენინს და

მოძველებული, მრავალი რამ დარჩენილი იყო ე. წ. „ღიმილი რუსული სოფლისაგან“, ძველი მოსკოვისაგან. ქალაქი კი დღითი დღე იზრდებოდა. უკვე 1934 წლისათვის მოსკოვმა მოსახლეობის რაოდენობის მხრივ მსოფლიოში მეცხრე ადგილიდან მეექვსეზე გადმოინაცვლა. მაგრამ დედაქალაქის რეკონსტრუქციის სწორი გზის მონახვა საკმაოდ რთული იყო... მოსკოვის რეკონსტრუქციისათვის რამდენიმე ათეული პროექტი იქნა შედგენილი.



მოსკოვის მშენებლობის საკითხებში ამხანაგმა სტალინმა უშუალო მონაწილეობა მიიღო, შედგა მთავრობის სპეციალური კომისია და 1935 წლის 10 ივლისს მიღებულ იქნა მთავრობისა და პარტიის დადგენილება მოსკოვის რეკონსტრუქციის გენერალური გეგმის შესახებ.

გეგმის თანახმად მოსკოვი უნდა შექმნილიყო ისეთი ქალაქი, რომელიც სრულყოფილად შეესაბამებოდა ჩვენს სოციალისტურ ეპოქას, საბჭოთა ხალხს. დაიწყო დედაქალაქის რეკონსტრუქცია. შენობებს, რომლებიც ხელს უშლიდნენ ქუჩების გაფართოებას, ანგრევდნენ ანდა გადაადგილებდნენ ახალ ნაკვეთზე.

ყოველ საათს, ყოველდღე სახეს იცვლიდა დედაქალაქი.

### მოსკოვის ზღვა

რვაასი წელია დგას მოსკოვი და იგი სულ მუდამ სახმელეთო ქალაქი იყო. იმ დროისათვის, როდესაც მოსკოვის კრემლზე წითელი დროშა აფრიალდა, ქალაქში მღვრიე წყალი მიმდინარეობდა. ქალაქი იზრდებოდა, მოსკოვის წყალი კი უფრო და უფრო კლებულობდა. მეცნიერებმა გამოიანგარიშეს, რომ 1937 წლისათვის მოსკოველები თავის მდინარეს სულ ერთიანად ამოაშრობდნენ. მეცნიერები, ინჟინრები საგონებელში ჩავარდნენ, დაიწყეს წყლის ძებნა... დაბოლოს ამხანავი სტალინის წინადადებით მიღებულ იქნა გაბედული გეგმა: ვოლგა მოსკოვისაკენ უნდა მობრუნებულიყო.

და აი, 1937 წელს მოსკოველებმა დაინახეს, რომ ისინი უხვწყლიან, ფართო, ღრმა და წმინდა მდინარის ნაპირზე ცხოვრობენ. კრემლის კედლებს, პირველი მაისის აფლუმზე, მიადგა აქ ჯერ უნახავი ხომალდების ქარავანი, რომელსაც წინ მიუძღოდა თბომავალი „იოსებ სტალინი“... მას შემდეგ განუწყვეტლივ გუგუნებენ ხომალდების საყვირები მოსკოვში... ამუშავდა მოსკოვ-ვოლგას არხი, შეიქმნა „მოსკოვის ზღვა“, რომელმაც ბალტიის, კასპიისა და თეთრი ზღვები შეაერთა... მოსკოვი საზღვაო ქალაქი გახდა.

### დედაქალაქის მიწის კვება

მოსკოვის მეტროპოლიტენი... როგორც კი მოხვდება აღამიანი მის ერთ-ერთ სადგურში, უმაღვე ავიწყდება, რომ იგი მიწის ქვეშ 50-80 მეტრის სიღრმეზე იმყოფება. ფართო, ლამაზი და ელნათურებით გაკაშვებული

სადგურები საუცხოო სანახაობას წარმოადგენენ. ძვირფასი მარმარილო, უყანგავი ფლადი, გრანიტი, პრიალა მუხა და ქაქალი, ბუნებრივი ქვები, აი ის მასალები, რომლებითაც დამშენებულია მიწისქვეშა „ქალაქი“. მოსკოვის მეტროპოლიტენი საბჭოთა სამშენებლო ტექნიკის ბრწყინვალე ნაწარმოებია, მას ბადალი არა ჰყავს მთელს მსოფლიოში.

მოსკოვის მეტროს მთელი ქვეყანა, საბჭოთა ხალხი აშენებდა. საბჭოთა კავშირის 500-მდე ქარხანა ამზადებდა მის შეკვეთებს. მეტროპოლიტენმა უზრუნველყო დედაქალაქის მოსახლეობა სწრაფი და მოხერხებული ტრანსპორტით. ომის წლებში მეტროპოლიტენმა დაუფასებელი სამსახური გაუწია მოსკოველებს არა მარტო როგორც სატრანსპორტო საშუალებამ... მიწისქვეშ მყოფი სადგურები და გვირაბები ყველაზე უფრო საიმედო თავშესაფარს წარმოადგენდნენ მოსახლეობისათვის ყუმბარისაგან დასაცავად.

1935 წლის 15 მაისს ამუშავდა მეტროს პირველი რიგი. სამი წლის შემდეგ ამუშავდა მეორე რიგი. ომის წლებში აგებულ იქნა მესამე რიგი. 1945 წლის 15 მაისს მოსკოვის მეტროპოლიტენი ათი წლის თავს ზეიმობდა. ამ დროისათვის მეტროს საერთო სიგრძე შეადგენდა 40-კილომეტრიან ორმაგ ვზას, 29 სადგურით. ჯერ კიდევ ომის დროს დაიწყო მეტროს კიდევ ერთი, წრიული ხაზის მშენებლობა, რომელიც ახლო მომავალში დამთავრდება.

### მოსკოვის ზმირული დაცვა

სამუდამოდ დარჩება საბჭოთა ხალხის მესხიერებაში ჩვენი დედაქალაქი 1941 წლის შემოდგომის სუსხიან დღეებში, ჩაბნელებული, თოვლით დაფარული ქუჩებით, გზაჯვარედინებზე მებრძოლთა საგუშაგოებით, საჭაერო განგაშის სირენების გულსაკლავი ყივილით. გამხეცებული მტერი დედაქალაქის კედლებთან იდგა. მოსკოვი სამხედრო ბანაკს დაემსგავსა, აბურძგნა ბარიკადებით, შემორკალა მავთულხლართებით, ტანკსაწინააღმდეგო თხრილებით.

1941 წლის 6 ნოემბერს ჩატარდა ტრადიციული საზეიმო სხდომა, მიძღვნილი დიდი ოქტომბრის სოციალისტურ-



რი რევოლუციის 24 წლისთავისადმი. აი, ტრიბუნაზე გამოჩნდა ამხანაგი სტალინი. სულის მოუთქმელად უსმენდნენ ბელადს დარბაზში მსხდომნი და რადიორეპროდუქტორებთან მილიონები.

მწვიდი, მარტივი და ნათელი აზრი გენოსისა გულსა და ტვინს ხვდებოდა, ახალ ძალებს, იმედსა და სიმტკიცეს ჰმატებდა საბჭოთა ხალხს. რაც მაშინ წარმოთქვა ბელადმა, განხორციელებულ იქნა საბჭოთა არმიის, ჩვენი ხალხის მიერ.

მეორე დღეს მოხდა ის, რისი წარმოდგენაც შეუძლებელი იყო ალყაშემორტყმულ ქალაქში. 7 ნოემბერს. წითელ მოედანზე ამხანაგ სტალინის ბრძანებით ჩატარდა ტრადიციული სამხედრო აღლუმი. ამ ბრძანების სიდიადე უზადლოა ისტორიაში. ეს იყო ძლიერი გამოწვევა ფაშისტების ბნელი ძალების მიმართ, რომლებიც მოსკოვის კედლებთან იდგნენ. ეს იყო უნახავი სიმამაცის, სიმტკიცის სიმბოლო, გამარჯვების ურყევი რწმენის სიმბოლო.

ბრძოლა მოსკოვის მახლობლად უფრო და უფრო გააფთრებულ ხასიათს ღებულობდა.

და აი, დეკემბრის სუსხიან დილას დაიწყო ის, რასაც მტერი არ მოელოდა. 6 დეკემბერს

დიდი სტალინის ბრძანებით დაიწყო საბჭოთა არმიის გენერალური შეტევა მოსკოვთან.

მალე მტერი უკუგდებულ იქნა დედა-სამშობლოს გულიდან; ვით დევგმისა შემოაბერტყა მოსკოვმა ფაშისტთა ურდოები...

### სამშობლოს დედაქალაქი

ომი დამთავრდა... საბჭოთა ხალხი ვერაგ მტერზე გამარჯვებას ზეიმობდა. წითელი მოედნის ქვაფენილზე, ლენინის მავზოლეუმის კვარცხლბეკთან, ყრუდ ეცემოდნენ დამარცხებული მტრის აღმები. საბჭოთა ხალხი შეუდგა ომით შეწყვეტილ მშვიდობიან ცხოვრებასა და შემოქმედებას.

ყოველდღე, ღამის 12 საათზე, რადიოტალღები გადასცემენ კრემლის კურანტების მელოდიურ ჰანგებს. სპასის კოშკის საათის რეკვა ჰკვეთს ჰაერის სივრცეს, საათის უღერა მიცურავს მოსკოვზე, მთელს სამშობლოზე, მსოფლიოზე. კრემლის ხმაა, მშობლიური მოსკოვის ხმა. და ასეთ ხანდაზმულ დროსაც ჩვენ შევყურებთ მოსკოვს, წითელ მოედანს, ჭაღარა კრემლს, მსოფლიოში პირველი სოციალისტური ქვეყნის შტაბს, რომელსაც დიდი სტალინის ხელმძღვანელობით ახალ-ახალ გამარჯვებებისაკენ მიჰყავს საბჭოთა ხალხი.

ნიკოლოზ ჯაუი








ერთ ახალგაზრდა, თავმომწონე ინგლისელს, რომელიც პარიზში იყო ჩასული, მდინარე სენის ხიდზე მოუხდა გავლა. უცებ საიდანღაც ფინია გამოხტა, მშვენივრად გაწმენდილ ფეხსაცმელებზე ტალახიანი თათებით გადაურბინა და სულ დაუსვარა. ინგლისელი იძულებული შეიქნა იქვე ხიდზე მჯდომ ფეხსაცმელების მწმენდავისათვის მიემართა ფეხსაცმელების გასაწმენდად.

ეს ახირებული ფინია ყოველთვის ასე იქცეოდა, რამდენჯერაც კი არ მოუხდა ინგლისელს ხიდზე გავლა. ამ გარემოებამ ინგლისელი დაინტერესა, დაუწყო თვალყურის დევნება და დაინახა, რომ ფინია ხიდის ქვეშ ჩაირბენდა, ტალახში თათებს განზრახ ამოისვრიდა, შემდეგ ხიდზე ამოირბენდა და მოუთმენლად ელოდა სუფთაფეხსაცმელებიან გამვლელს. ინგლისელი მიხვდა, რომ ძალი ფეხსაცმელების მწმენდავს ეკუთვნოდა. დაუწყო ფეხსაცმელების მწმენდავს გამოკითხვა და ის ცოტა ყოყმანის შემდეგ გამოტყდა, რომ ძალი მისი გაწრთვნილია და იგი ამ ხერხით მეტ სამუშაოს შოულობს.







# სიუ-ლიენი

## ჩინური აზბაზი

მინც უნდა მოჰკვეთონ ხელები... აი, წაიღეთ ეს ხელები!

სიუ-ლიენმა ბოგდიხანს გაუშვირა თავისი პატარა და ნაზი ხელები.

— ეს ხელები, — განაგრძო მან, — ეკუთვნიან ჩემს უბედურ მამას! ეს ხელები უძღლური არიან ჯერ კიდევ, რომ გამოკვებონ ჩემი სუსტი დედა, ჩემი ავადმყოფი ძმა და პატარა დაიკო. უბრძანე მკაცრად მოეპყრან ამ ხელებს, როგორც კანონი მოითხოვს, ოღონდ გადავარჩინო მამის ხელები, რომელთაც შეუძლიათ ოჯახის გამოკვება.

ბოგდიხანი ძლიერ გააკვირვა სიუ-ლიენის საქციელმა. ერთხანს დაფიქრებული იდგა, შემდეგ დახედა მის წინაშე დამხობილ ქალიშვილს და უბრძანა:

— ადექი! ისე იქნება, როგორც შენ თხოულობ! ნაცვლად ცოდვილი მამაშენის ხელებისა შენ მოგკვეთენ შენს უცოდველ ხელებს!

ბოგდიხანის ბრძანებით სიუ-ლიენი დასასჯელ ეზოში გაიყვანეს. იქ მოედანზე იდგა საჯალათო კუნძი, რომელიც დაფარული იყო ადამიანის სისხლის ლაქებით.

გოგონას რკინის რგოლებით მაგრად მიუკრეს ხელები საჯალათო კუნძზე.

მალე სიუ-ლიენს მიუახლოვდა ჯალათი ბასრი ნაჯახით.

გოგონა გაფითრდა, მაგრამ შებრალებიანათვის სიტყვაც არ უთქვამს.

ჩინეთში არის ძველი კანონი, რომლის ძალითაც ხელებს ჰკვეთენ მას, ვინც შენიშნული იქნება თვალთმაქცობაში.

ჩინეთის ერთ მანდარინს (დიდ მოხელეს) სახელმწიფო საქმეებში აბრალებდნენ თვალთმაქცობას. ჩინეთის ხელმწიფე — ბოგდიხანი განრისხდა მანდარინზე და ბრძანა დაესაჯათ იგი — მოეკვეთათ მისთვის ხელები.

ყველაფერი უკვე მომზადებული იყო სასჯელის ასასრულებლად, როდესაც ბოგდიხანის სასახლესთან გამოცხადდა სიუ-ლიენი, მანდარინის ახალგაზრდა ქალიშვილი. სიუ-ლიენი დარწმუნებული იყო მამის უდანაშაულობაში და სასახლის მსახურთ სთხოვა გაეშვათ იგი ბოგდიხანთან.

ადვილი არ იყო ამ თხოვნის შესრულება, მაგრამ სიუ-ლიენი ცხარე ცრემლებით ემუდარებოდა მსახურთ. ბოლოს მსახურნი მოლბნენ და გადაწყვიტეს წარედგინათ გოგონა მრისხანე ბოგდიხანისათვის.

როდესაც სიუ-ლიენმა დაინახა ოქროთი და აღმასებით გამბრწყინებული ბოგდიხანი, პირქვე დაემხო მის წინ.

— დიღო ხელმწიფეო, — უთხრა მან ბოგდიხანს, — ამბობენ, ჩემს მამას სასჯელი დაუმსახურებია. მე ეს არ მჯერა, მაგრამ, მიუხედავად ამისა, უბედურ ჩემს მამას




აი, აღმართა ჯალათის ნაჯახი სიუ-ლიენის გაშვებულ ხელეგზე... ამ დროს გამოვიდა მოედანზე ბოგდინანის დიდი მოხელე და ჯალათს ხელი დაუქნია.

გალიმებულმა ჯალათმა ნაჯახი დაუშვა.

მალე ეზოს კიშკარი გაიღო და სიუ-ლიენის წინ წარსდგა პატიმრობიდან განთავისუფლებული მამა.

ბოგდინანმა აპატია მანდარინს და ბრძანა არ ეწარმოებიათ დასჯა იმ ეზოში, სადაც მან გამოცადა სიუ-ლიენის ნებისყოფა. იმ ეზოს შუა მოედანზე აღმართეს ქვის სვეტი მარმარილოს დაფით, რომელზეც ეწერა:

„აქ სიუ-ლიენი, ქალიშვილი მანდარინ იხუნგისა, მზად იყო გაეწირა თავისი სიცოცხლე, რომ გადაერჩინა სიცოცხლე მამისა.“




ბედნიერი არიან მამები, რომელთაც ჰყავთ ასეთი ქალიშვილები!

ნეტარ არს ის მიწა, რომელზეც წარმოიშობა ასეთი სიყვარული!“

გადმოკეთებული რუსულიდან

ივ. მესხის მიერ

ნახატები ირ. რაზმაძისა





# გეოგრაფიული მხარე




## როგორ ავაგოთ მოგზაურობის სქემა

(პრაქტიკული რჩევა-დარიგება)

მოგზაურობისათვის მზადების დროს დიდი მნიშვნელობა აქვს ზუსტი სვლიგეზის (ძარწრუტის) დასახვას, რადგანაც იმაზე, თუ რამდენად სწორედ ავარჩიეთ სვლიგეზი, დამოკიდებულია მთელი მოგზაურობის მსვლელობა და შედეგები. სწორედ არჩევა სვლიგეზისა გულისხმობს მოძრაობისათვის მოხერხებული მიმართულების არჩევას. ზუსტად უნდა იყოს განსაზღვრული სვლიგეზის მახილი და ამასთან შეფარდებით დრო, რომელიც მოუნდება მის გავლას. სვლიგეზის ხასიათზეა დამოკიდებული მოძრაობის რეჟიმი, დაბახკების ადგილები, დიდი დასვენების ადგილი და სხვ. ყოველივე ეს გათვალისწინებული უნდა იყოს სვლიგეზის სქემის შედგენის დროს. სჯობია, რომ სვლიგეზი წრიული მოეწყოს, ესე იგი მისი საწყისი წერტილი და დასასრული ერთი და იგივე იყოს: დაბრუნებისას სხვა მიმართულებით ვიაროთ და არა იმავე გზით, რომელიც უკვე გავიარეთ.


წრიული სვლიგეზის სქემის შედგენა სულ უბრალო ხერხით შეიძლება. რუკაზე მანძილის გასაზომად ჩვეულებრივი ხერხების გამოყენებაც (ფარგლით, ქალაღის ზოლით, კურსიმეტრით) შეიძლება, მაგრამ წრიული სვლიგეზის ასაგებად სჯობს შემდეგი პრაქტიკული ხერხი გამოვიყენოთ:

ხაზობრივი მასშტაბის საშუალებით მოგზაურობით განზრახული სვლიგეზის სიგრძის ძაფი (სვლიგეზის საწყისი წერტილიდან — ჩვენს შემთხვევაში სოფელ ბაგებიდან — მის დასასრულ წერტილამდე). ვთქვათ, ჩვენ მიზნად დავისახეთ ორდღიანი მოგზაურობის ჩატარება ვერის ხეობით და შემდეგ კოჯრითა და წავკისით უკან დაბრუნება. ორდღიანი ექსკურსიის სვლიგეზის სიგრძე არ უნდა აღემატებოდეს 24-30 კილომეტრს (დღეში 12-15 კილომეტრის გავლის ვარაუდით).





ჩვენი მოზომილი ძაფის სიგრძეც (მასშტაბის მიხედვით) დაახლოებით 30-კილომეტრიან სვლიგეზს შეეფარდება. შემდეგ გადავბათ ძაფის ბოლოები და დავადოთ ეს მარყუჟი რუკაზე წინასწარ დასახულ სვლიგეზს და ქინძისთავეების საშუალებით გავამაგროთ ისე, რომ იგი დაემთხვეს გზის ყველა მნიშვნელოვან კლაკნილს. ამის შემდეგ ფანქრით მოვხაზოთ მიღებული წრიული სვლიგეზი და გადავიტანოთ იგი ქაღალდზე. აღვნიშნოთ დასვენების ადგილები, დაბანაკების ადგილი და სხვა. კარგი იქნება, რომ სვლიგეზის სქემაზე, განსაკუთრებით თუ მოგზაურობა გვიხდება უცნობ ადგილებში, რომელსაც მხოლოდ აღწერილობით ვიცნობთ, აღვნიშნულ იქნეს წყაროები, ტყე, ისტორიული ძეგლები და ყველა ის ობიექტი, რომელთა შესწავლა შეადგენს ჩვენი მოგზაურობის მიზანს. თვით მოგზაურობის დროს სქემაზე უნდა გადავიტანოთ ყოველივე ღირსშესანიშნავი, რასაც გზაში შევხვდებით. ეს მოგ-




ვცემს საშუალებას ჩვენს დღიურებსა და აღწერილობებში უფრო ზუსტად აღვნიშნოთ, ვთქვათ, ამა თუ იმ მინერალის თუ მცენარის პოვნის ადგილი.

სვლიგეზის სქემა უნდა დაერთოს მოგზაურობის ანგარიშს.

## აფხაზური ანდაზები

1. სიმართლის თქმა მკვდარსაც გააცოცხლებსო.
2. ორი ქონდრის კაცი ქვეყანაზე ვერ ეტეოდაო.
3. კუს თვალეები მისცეს და წარბებიც მოითხოვაო.
4. ტურას ჰკითხეს: ქათმის ხორცს თუ სჭამო? — და გაეცინა.
5. კამეჩმა ბოსტანში კომბოსტო დაინახა და ღობე კი ვერ შეამჩნია.
6. დროზე დათესილი დროზე ამოვა.





(მითოლოგიის ლექსიკონი)

**აპოლონი** (აპოლო) მზისა და სინათლის, მეცნიერების, ხელოვნების, პოეზიისა და მედიცინის ღმერთად ითვლებოდა. აპოლონი ზევსისა და ლატონას (ლეტოს) შვილი იყო. დაიბადა იგი კუნძულ დელოსზე. ამ კუნძულზე თავს აფარებდა ლატონა, რათა გადარჩენოდა საშინელი გველეშაპის პითონის დევნას, რომელიც მას ეჭვით შეპყრობილმა ზევსის მეუღლემ ჰერამ მიუსია.

გავიდა დრო დავაქაცდა სხივმოსილი, ოქროსთმიანი აპოლონი. აიღო ხელში სიმებიანი საკრავი — კითარა და ვერცხლის მშვილდი, მხარზე მოიგდო კაპარჭი, რომელშიც ოქროს ისრები ჰქონდა ჩაწყობილი, და ოლიმპოს გავშურა.

სიბნელისა და ბოროტების დაუძინებელი მტერი იყო აპოლონი. გზაზე მიაკვლია მან თავისი დედის მდევნელს, ბნელეთის განსახიერებას გველ პითონს და მოჰკლა იგი მშვილდისრით. პითონ ეწოდა იმ ადგილს, სადაც აპოლონმა მოჰკლა და მიწაში ჩამარხა პითონი. იქ დაარსდა ქალაქი დელფი და აპოლონის საკურთხეველი სახელგანთქმული ორაკულით (სამისნოთი), საიდანაც აპოლონი თავისი ქურთუმი ქალის პითონს საშუალებით აუწყებდა ადამიანთ ზევსის ნებასურვილს.

ქალაქ დელფის დაარსების ამ მითის ისტორიულ სარჩულად უნდა ჩაითვალოს ის ფაქტი, რომ დორიელებმა (ბერძენთა ტომია) დაიპყრეს წინათ აქ მცხოვრები ხალხი, რომლებიც „ზევსის არ სცემდნენ თავყანსო“ და დააარსეს თავისი საკურთხეველი და ორაკული. ამის მიხედვით აპოლონი ითვლებოდა ახალშენთა, საბერძენეთის კოლონიების დამაარსებელთა მფარველად.

სწორედ ამ პერიოდში, როდესაც ბერძენ ტომთა (დასახლება და კოლონიზაცია) მიმდინარეობდა, დელფის ორაკულს უდიდესი მნიშვნელობა მიენიჭა. აპოლონის კულტი დელფში მაორგანიზებულ და გამართიანებულ ცენტრს წარმოადგენდა. საკურთხეველს დასაცავად წარმოიშვა „ამფიქტიონები“ — ტაძრის „ირგვლივ მცხოვრებთა“ კავშირი, რომელიც შედიოდა სხვადასხვა ქალაქების წარმომადგენლებში. მალე დელფის ამფიქტიონია რელიგიურ გაერთიანებიდან პოლიტიკურ და საერთაშორისო კავშირად — „მთელი ელადის საერთო კერად“ გადაიქცა.

გაზაფხულსა და ზაფხულს აპოლონი დელფში ატარებდა, შემოდგომის დამდეგს კი თავისი ეტლით,

რომელშიც თოვლისებრ თეთრი გველები ჰყავდა შებმული, მიემგზავრებოდა ჰიპერბორეების (ჩრდილოეთის ქარის „ბორეასის ქროლოვის გადამა“ მდებარე) ქვეყანაში, მარადიული გაზაფხულის მხარეს, რომელიც ლატონას საშობლოდ და, მამასადამე, აპოლონის დედულად ითვლებოდა. გაზაფხულზე აპოლონი კვლავ დელფს ესტუმრებოდა და მას აქ დიდის ამბით ეგებებოდნენ. სხივმოსილი აპოლონის ყოველწლიურად ჩრდილოეთიდან დაბრუნება ძველ ბერძენისათვის ეს იყო იგივე, რაც ბუნების გამოღვიძება და აღორძინება გაზაფხულზე.

დიდი პატრიცისემით ხედებოდნენ აპოლონს თვით ოლიმპოს ღმერთებიც. როგორც კი აპოლონი ოლიმპოზე გამოჩნდებოდა, ღმერთები ყველანი ფეხზე წამოდგებოდნენო, — ამბობს ჰომეროსი. ღვთაებრივი მუსიკით ატკობდა აპოლონი ოლიმპელებს. როდესაც იგი თავის ჯადოსნურ კითარას ააქვლებდა და მისი მზლბელი მუხების სიმღერა ოლიმპოს მიდამოებს მოეფინებოდა, სულგანაბული ღმერთები სმენად გადაიქცეოდნენ: მრისხანე არესს ავიწყლებოდა მამის სისხლს და ვაება და თვით ზევსის არწივიც კი დაუშვებდა თავის მძლავრ ფრთებს, მილულავდა თავის გამჭრიახ თველებს და აღარ ესმოდა მუქართით საესე მისი ხიფხიფი; მშვიდად იჯდა იგი ზევერის სიკატრასზე.

როგორც ფინიკური სინათლის ღმერთს, აპოლონს ორეული ჰყავდა ჰელიოსის სახით და ამ მხრივ იგი მოგვიანებით გაიგივებული იყო ჰელიოსთან, რის გამო მას სინათლის ღმერთი — ფებოსი ეწოდა („ფებოს“ ნიშნავს „ბრწყინვალეს“, „სხივმოსილს“). ამის მიხედვით აპოლონის ემზღემად „განთიადის მაუწყებელი ფრიველი“ — მამალი ითვლებოდა. მაგრამ ფებოსი უფრო ფართო ცნებას შეიცავდა: იგი მიჩნეული იყო ღვთაებრივი სინათლის წყაროდ, განათლების, მეცნიერებისა და ხელოვნების მფარველად.

გარდა ამისა, აპოლონს უწოდებდნენ კითარედოსს, ესე იგი მომღერალსა და მუსიკოსს, რომელიც კითარის აკომპანემენტით მღერისო. ამის მიხედვით აპოლონი ყველა 9 მუსიკის წინამძღოლად — მუზაგეტად ითვლებოდა.

აპოლონი, როგორც მისი ამ სახელს ეტიმოლოგია უნდა მოწმობდეს (Apollon Apellon, ლათინურად apello — „ავიციენ“, „უკუვაგებ“, უბედურების ამცილებელია. აქედან წარმოსდგა მისი



თაყვანისცემა როგორც სწავლებათა უწყებების, განმკურნებელი ღვათების — პეონისა. მოგვიანებით ბერძნებმა და რომაელებმა მკურნალობის სპეციალური ღმერთი გაიჩინეს — ასკლეპიოსი (ესკულაპი), შეილი აპოლონისა.

ამასთანავე აპოლონი სიცოცხლის მომსპობიცაა, დამნაშავეთა დამსჯელი, ბრძოლის ველზე სიკვდილის მთესველი. მსგავსად მზის სიხვევისა, რომელიც ყოველთვის როდი მოაქვთ სიცოცხლეს ბუნებისათვის, არამედ ზოგჯერ სიკვდილსაც სთესავენ, აპოლონის ოქროს ისრებიც, შორიდან გამოტყორცნილი, სწრაფი, უეცარი სიკვდილით ჰკლავენ ადამიანს. ჰომეროსის პოემებში ამიტომ აპოლონის ეპითეტებია: „ვერცხლის მშვილდოსანი“, „შორიდან მგმირავი“, „ისრისმტყორცნელი“. ამის მიხედვით აპოლონი ესახებოდათ როგორც მშვილდისრით შეჭურვილი ახალგაზრდა მსროლელი, როგორც ბერძენ ჰაბუკის — „ეფებოსის“ იდეალი.

აპოლონის კულტი (თაყვანისცემა) დაკავშირებული იყო იმ პერიოდთან, როდესაც, ენგელსის თქმით, — „ადამიანის ფაქტიური ცხოვრების პირობების განვითარებამ“ ისტორიული ცვლილებები გამოიწვია მამაკაცისა და დედაკაცის საზოგადოებრივ ურთიერთობაში და გამარჯვება მოუპოვა მამის უფლებას დედის უფლებაზე. მამის უფლებების დამკვიდრებამ თავისი ასახვა პოემა მითოლოგიაში, ძველი, კრონოსის თაობის ღმერთები შეცვლილ იქნა მითოლოგიაში ახალი, — ზევისის მოდგმის ღმერთებით. აპოლონი ახალი მოდგმის ღმერთია. იგი პატრიარქატის მოსარჩლედ არის მიჩნეული, იგი ებრძვის მატრიარქატის დამცველ ძველ ღმერთებს. ეს ქილეს ტრილოგია „ორესტიისა“ მამის უფლებების მოსარჩლე აპოლონი ძველ ღმერთებს ერინისებს ასე ეუბნება:

მე ვუბრძანე, რომ მას (ორესტესს)  
შური ეძია მისი მამის მკვლელებო...


ამიტომ იყო, რომ ამ პერიოდში ათენელებში დამკვიდრდა ჩვეულება, რომლის მიხედვით ყოველი ადამიანი, რაკი იგი გვარსა და საგვარეულო ორგანიზაციას აკუთვნებდა თავის თავს, „აპოლონი-მამის“ თაყვანისცემელი უნდა ყოფილიყო, მისი კულტის აღმსარებელი.

აპოლონი, როგორც ფიზიკური, ნათელი გონების საწყისი უპირისპირდებოდა დიონისეს — ღვინის ღმერთს, მის აღვითარების რევოლუციასა და მის ექსტატურ, გადაჭარბებულ ავხენებულების კულტს.

აპოლონის კულტი დაკავშირებული იყო აგრეთვე მესაქონლეობის პერიოდთან. აპოლონი ჯოგების მფარველია, თვითონ იდეალური მწყემსია: იგი უბადლოდ მწყემსავს წლების მანძილზე თესალის მეფის აღმერთის ჯოგებს ტატიეტის მთებში.

პითონის დამთრგუნველი აპოლონის პატივსაცემად ყოველ ხუთ წელიწადში დელფის მახლობლად

დელფის ანუ პითონის დიდი დელფისაშუალო ტარდებოდა. პირველ ხანებში ამ დელფისაშუალო მუსიკალური შეჯიბრება იმართებოდა, შემდეგში სატანვარჯიშო შეჯიბრებანი დაერთო. ამის მსგავსად რომში დაწესებული იყო აპოლონარის დელფისაშუალო. ეს მოხდა ძველი წელთაღრიცხვის 431 წელს. რომში შავი ჭირი შექმნივარებდა. რომაელებმა ვედრებით მიმართეს აპოლონს და თავის მხსნელს მადლობის ნიშნად პირველი ტაძარიც აუგეს.



ბელვედერის აპოლონი

აპოლონს მიძღვნილი ჰქონდა დაფნის ხე, როგორც მკიდროდ დაკავშირებული მის კულტთან. დელფის ტაძარში დაფნა იდგა, აპოლონის საკურთხეველში შესავალს ყოველთვის დაფნის სურნელოვანი ფოთლებით ამკობდნენ. დაფნის ხე აგრეთვე სიმბოლო იყო ნიშნად დაფნასთან აპოლონის გამიჯნულებისა.

აპოლონის მითოლოგიური სახე ხშირადა გამოყენებული პოეზიაში. პუშკინს, მაგალითად, გამოყენებული აქვს ეს სახე თავის ლექსში „პოეტი“. პოეტის საზოგადოებრივი სამსახური პუშკინს ესახება ისეთ საქმედ, რომლისკენაც მას თვით ღმერთი, ხელოვნების მფარველი და მუშების წინამძღოლი აპოლონი მოუწოდებს.

სანამ არ იხმოვს წმინდა ზეარაკად  
თვით აპოლონი — პოეტს სრულიად,  
ის სულმდაბალი, რჩეულს არა ჰგავს,  
ფუქსსავატ ხალხში ჩაძირულია...

ეფბოსი, ჰელიოსი, დელფის კერპი, კლაროსის ღმერთი — ასეთი სახელებით მოიხსენიებს პუშკინი აპოლონს თავის პოეზიაში, აპოლონის მიერ პითონის მოკვლის მითი პუშკინს მოხსენებული აქვს ეპიგრამაში „მშვილდი ზუზუნებს...“ შეფე აღმეტოსთან აპოლონის მწყემსად ყოფნის მითი — ლექსში: „ერთმა — წყრილა მეგობარი...“ აპოლონს მრავალი საკურთხეველი ჰქონდა მიძღვნილი და მათ შორის ერთი აგებული იყო მცირე აზიის დასავლეთ სანაპიროზე ქალაქ კოლოფონთან კლაროსში, აქედან პუშკინისათვის აპოლონი „კლაროსის ღმერთია“, დელფის საკურთხეველის მიხედვით — „დელფის კერპი“ და ა. შ. ეს ქილეს, ეკრიპიდეს, გოეთეს, ბაირონის, შილერის, ჰაინეს, ჰერდერის ხშირად მიმართავენ. აპოლონის სახეს.

„ლოქსიოს“ — „მრუდი“ — ასე უწოდებს ეს ქილეს აპოლონს. ამით გადაკვრითაა ნათქვამი ის, რომ დელფის ორაკული არასოდეს პირდაპირ პასუხს არ იძლევა, არამედ ყოველთვის ორაზროვნად პასუხობს. ასე, მაგალითად, დელფის ორაკულმა შემდეგი უწინასწარმეტყველა ლიდიის მეფე კრესს, როდესაც მასზე იარაღით წამოვიდა სპარსეთის მეფე კიროსი: „თუ შენ გადახვალ მდინარე ჰალისს, დაღუპავ დიდ სახელმწიფოსო“. მაგრამ თუ რომელ სახელმწიფოს, საკუთარს თუ სპარსელებისას, ამაზე არაფერი იყო ნათქვამი ამ წინასწარმეტყველებაში.

აპოლონის მრავალ ქანდაკებათა შორის საყოველთაოდ განთქმულია აპოლონის მარმარილოს ქანდა-



კება—„ბელვედერის აპოლონი“\*). ეს ქანდაკება რომაული ასლია ბრინჯაოს ქანდაკებისა, რომელიც შეუსრულებია ძველი წელთაღრიცხვის IV საუკუნის ბერძენ მოქანდაკე ლეოქარესს. თვით ამ ბრინჯაოს ქანდაკებას ჩვენამდე არ მოუღწევია.



აპოლონი კითარედოსი

არუნებია მარცხნით, ყველაფერი, რისი შექმნაც შეეძლო ბუნებას, გენიას და ხელოვნებას, — ყოველივე ეს ჩვენს თვალწინაა აქ“, — ამბობს ვინკელმანი „ბელვედერის აპოლონიზე“ თავის ნაშრომში „ბერძენთა ხელოვნების შესახებ“. „ვატიკანის აპოლონი თითქოს ჰაერში ლივლივებს, მიწას ფეხს არ აკარებს“. „სიამაყე აპოლონის პირისახეზე აღბეჭდილია განსაკუთრებით მის ნიკაპსა და ტუჩებზე, რისხვა—ცხვირის ნესტოებზე, ათვალწუნება კი ოდნავად გაღებული პირითაა გამოსახული“. „აპოლონს კუნთები ნაზი აქვს... მსგავსია გამდნარი მინისა, რომელიც ამოპურცულია ოდნავ შესამჩნევ ტალღებად. და შეიგრძნობა არა იმდენად თვალთ, რამდენად შეხებით“ — ასე მეტყველებს ვინკელმანი „ბელვედერის აპოლონის“ მომაჯადოებელ სილამაზეზე. დასასრულ იგი „ბელვედერის აპოლონის“ სიმშვენიერეს ტურფა დღის განთიადს ადარებს.

ალსანიშნავია, რომ ვინკელმანის დროს—XVIII საუკუნეში—ჯერ კიდევ არ იყო აღმოჩენილი პრაქსიტელესის „ჰერმესი“, რომლისგანაც „ბელვედერის აპოლონი“ გამოირჩევა ჭარბი სიკონსტაფით. „ბელვე-

\*) ბელვედერი რეაწახნაგოვანი ტალავარია ვატიკანში, გარშემორტყმული თაღელებითა და ოთხი დარბაზით, რომლებშიც დაცულია ანტიკური ქანდაკებანი. აქედან წარმოსდგა სახელწოდება „ბელვედერისა“.

დერის აპოლონის“ მთელი ფიგურა უფრო ქალი სებრ ნაზია, ვიდრე ვაყაცური, პრაქსიტელესის „ჰერმესი“ კი პირიქით.

ბაირონმა „ბელვედერის აპოლონი“ „მშვენიერ სტრიქონები მიუძღვნა თავის „ჩაილდ-ჰაროლდში“:

არ თმობს, არ უმშვებს ის ხელიდან თავის მშვილდისარს, დგას პოეზიის და სინათლის ამაყი ღმერთი, როგორც ხატება, მგზნებარება ქვეყნად თვით მზისა.

უძლევლობით მოსილი აქვს სახე და მკერდი, აი, მიჰქრიან შეუზოგარად მესის ისრები. მასში ერთბაშად ყველაფერი აგლენს ღვთაებას: ფართო, მთრთოლავი ნესტოები, სახე მზისფერი და მკაცრ თვალეში ელვის ცეცხლის აელვარება.

ცნობილია აგრეთვე პრაქსიტელესის (ძველი წელთაღრიცხვის IV საუკუნე) ბრინჯაოს ქანდაკების — „აპოლონი სავროქტონის“ („აპოლონი — ხელიკების მომსპობი“) მიბაძენია, სახელდობრ, ბორგესეს სასახლეში — ორი მარმარილოს ქანდაკება და ალბანის სასახლეში — ერთი ბრინჯაოსი. ფიქრობენ, პრაქსიტელესის ქანდაკებაში აპოლონი გამოსახული იყო მეფე ადმეტოსთან მწყემსად ყოფნის პერიოდში. აპოლონი აქ ჭაბუკია და წარმოდგენილია იმ მომენტში, როდესაც იგი მზად არის ისარი ჩაჰკრას ხეზე მოსრიალე ხელოვს. პრაქსიტელესის ხელში ზეიადი ღმერთები რელიგიური კულტის საგნებიდან ბუნებისა და ცხოველების მომხიბვლელ გამოსახულებად გადაიქცნენ: პრაქსიტელესის ღმერთები „გადაამიანებ უ ლ ი“ არიან.

ალსანიშნავია აგრეთვე მოქანდაკე სკოპასის (ძველი წელთაღრიცხვის IV საუკუნე) აპოლონი კითარედოსის ანუ მუზაგეტის ქანდაკების მიბაძვა, რომელიც დაცულია ვატიკანში. აპოლონი გამოქანდაკებულია მარმარილოსაგან კითარით ხელში და გრძელი საუცხოო ტანსაცმლითაა მორთული.



აპოლონი სავროქტონი

მოსკოვში დიდ აკადემიურ თეატრზე გამოქანდაკებულია აპოლონი; მას ხელში ქნარი უჭირავს და მოჰქრის ეტლით, რომელშიც ოთხი ბელაურია შემული.





# ნორჩი ავტორები



პიონერ-მოსწავლეთა დიდძალი ლიტერატურული მასალა მოხდის რედაქციას. ყველა ავტორის დაქინებული სურვილია, ეს ნაწერები დაიბეჭდოს ყურნალის ფურცლებზე. მაგრამ ამ ნაწარმოებების უმრავლესობა ჯერ კიდევ სუსტია.

ზოგიერთი ნორჩი ავტორი ნაკლებად ერკვევა ქართული მართლწერის ელემენტარულ საკითხებში, ხოლო მათი პრეტური მეტყველება მეტად დაბალ დონეზე დგას.

რედაქციაში შემოსული მასალების უმეტესი ნაწილი ლექსებია, ზოგადი ხასიათის, მოკლებული კონკრეტულ თემატურ გააზრებასა და მხატვრულ სახეებს.

ამ ლექსებში არ არის დაცული საჭირო რითმები. ზოგჯერ თითოეულ ტაქტში ირღვევა მარცვალთა რაოდენობა, ხოლო თემა, უმეტეს შემთხვევაში აქტუალური, ცუდად დაწერის გამო, ვერ ტოვებს სათანადო შთაბეჭდილებას.

გაოცებას იწვევს, რატომ არ არიან ნორჩი ავტორები დაინტერესებული ლიტერატურის სხვა ჟანრებით. ძალიან მცირე ნაწილი ავზავნის რედაქციაში მოთხრობებს. ამ მოთხრობებში არის საინტერესო მომენტები, მაგრამ ბევრჯერ ხელოვნური, არადამაჯერებელი მდგომარეობა იჩენს თავს. სქემატური არიან თვით ამ მოთხრობების გმირები. არ იგრძნობა ამბავის დინჯი, ეპიური თხრობა, რაც დამახასიათებელია საერთოდ პროზაული ნაწარმოებებისათვის. ამბავის გადმოცემის დროს ნორჩი ავტორები ჩქარობენ, ერთად უნდათ ყველაფერი თქვან. ეს ნაკლია.

პროზისთვის დამახასიათებელ მონაცემებს შედარებით ავლენენ ავტორები: ა. გაჩეჩილაძე, ა. სვანი, ვ. მაისაშვილი, თ. ებანოძე, გ. ტოკლიკიშვილი, ვ. ჯავახაძე.

ხშირად ნორჩი ავტორები დაუდევრობასა და გულგრილობასაც კი იჩენენ თავიანთი ნაწარმოებისადმი: ცუდად ნაწერს, რამდენჯერმე ჩასწორებულს, ზოგჯერ მეღნითაც მოთხრობილ ხელნაწერს გზავნიან რედაქციაში. ასეთები უთუოდ არ დაგიდევნენ მოწაფის ავტორიტეტს. ვინც შრომაში ცუდლუტია, ის ვერ დაეუფლება პოეტური მეტყველების რთულ საქმეს.

ახალგაზრდა ავტორმა ბევრი უნდა ისწავლოს, იბეჯითოს, მომწიფდეს, რომ შესძლოს სხვას ასწავლოს და გაუზიაროს თავისი შეხედულება. ილია ჭავჭავაძე „პოეზიის ახალგაზრდა მოყვარულთა“ ურჩევდა: ჯერ ისწავლეთ, ჯერ თქვენ შეიძინეთ, რომ მერე სხვასაც შესძინოთ რამეო, მთელი სამყარო ერთი დიდებული წიგნია, მეცნიერება მას უხატებოდ გადმოგვცემს, ხოლო პოეზია ხატებითა და სურათით. შემდეგ ილია აღნიშნავს: „მადლი ხომ მადლია, მაგრამ ამასაც მოვლა უნდა, უნდა პატრონობა, ხელის შეწყობა, გაზრდა და დავაუკაცება, თუ ეს ითქმის. ეგ ისეთი აზიზი, მზეთუნახავი ყვავილია, რომ მალე ჭკნება, თავის სურნელებას ჰკარგავს, თუ მეცნიერების შუქი არ აღგია, თუ მეცნიერება თავის უკვდავების წყაროს არ ასხურებს და სიბრძნის ხელი კიდევ დღე მუდამ არა ჰფურჩქნის“. ეს სიტყვები უნდა დაიხსომოს ნორჩმა ავტორმა, როცა თავის პოეტურ ნიჭსა გრძნობს.

ნიჭი შრომაში იფურჩქნება, პირველ რიგში მეცნიერების დაუფლებაა საჭირო. ზოგიერთი ნორჩი ავტორი ძლიერ ჩქარობს თავისი ნაწარმოების დაბეჭდვას, ვერ ითმენს, ღელავს... მართალია, ბევრი საქვეყნოდ ცნობილი მწერალი ბავშვობიდანვე წერდა, მაგრამ ეს წვრთნისა და ვარჯიშობის ხანა იყო სამწერლო ასპარეზზე გამოსასვლელად, ხოლო პირველი ნაწარმოებები ამ მწერლებმა უკვე მომწიფების ასაკში გამოაქვეყნეს.

ლიტერატურაში სამოღვაწეოდ მთავარი, მოსამზადებელი მუშაობა პოეტური ნიჭის მქონე ახალგაზრდა ავტორებმა თვით სკოლის ლიტერატურულ წრეებში უნდა ჩაატარონ. ჩვენს სკოლებში მრავალი წრე არსებობს, სადაც ხდება სასწავლო პროგრამული მასალის გაღრმავება და განმტკიცება. სკოლებში ყველგან პოპულარობით სარგებლობს ლიტერატურული წრე. ამ წრეში უნდა წაიკითხონ ნორჩმა ავტორებმა პირველად თავიანთი ნაწარმოებები. აქ უნდა გაიმართოს სჯა-ბაასი მათ ნაკლსა და ღირსებაზე. შემდეგ აუცილებელია სათანადო კონსულტაცია მიღოს ახალგაზრდამ ენისა და ლიტერატურის მასწავლებლისაგან პოეტიკის საკითხებ-



ზე. ამის შემდეგ თავიანთი ნაწარმოებები ნორჩმა ავტორებმა უნდა მოათავსონ სკოლის კედლის გაზეთში, ლიტერატურულ ჟურნალში, რომელიც ბევრს სკოლაში გამოდის. იმ შემთხვევაში, თუ ნორჩი ავტორის ესა თუ ის ნაწარმოები განსაკუთრებული მოწონების ღირსია, შეიძლება ის გაუგზავნოს მოსწავლემ რედაქციას დასაბეჭდად.

ასეთი პასუხისმგებლობით უნდა ეკიდებოდეს თითოეული მოსწავლე ამ ფრიად სერიოზულ საქმეს.

ის ახალგაზრდა, რომელიც უფრო მეტს წერს, ვინემ კითხულობს, და საართო ცოდნას ნაკლებად იძენს, უთუოდ ამაოდ გაირჯება და ვერ მიიღწევს სასურველ მიზანს.

ნორჩი ავტორები მრავალმხრივ უნდა იყვნენ დაინტერესებული მუშაობის გამრავალფეროვნებით. კარგი იქნება ნორჩმა ავტორებმა წერონ დღიური, მოგზაურის შთაბეჭდილება, რეცენზია საინტერესო წაკითხულ წიგნზე და სხვა. მაშინ არ იქნება მხოლოდ ლექსებით გატაცება და ლიტერატურის ყოველი ჟანრი იმთავად საინტერესო გახდება ნორჩი ავტორისათვის.

ლექსების ავტორებიდან ყურადღებას იქცევენ მოსწავლეები: ა. სვანი, ირ. არაბული, ლ. კიკილაშვილი. მათი რამდენიმე ლექსი უკვე დაიბეჭდა. საინტერესოა მოსწავლეების: ბ. ეცეტაძის, რაფ. ავრას და ვლ. ასლამაზიშვილის, ჯ. ნიქაბაძის, ირ. ზაქარაშვილის ლექსებიც, მხოლოდ მათ სჭირდება უფრო მეტი თემატური კონკრეტობა.

ნორჩმა ავტორებმა ბევრი უნდა ისწავლონ, ბევრი უნდა იკითხოონ კლასიკოსებისა და საბჭოთა მწერლების ნაწერები, უნდა დაეუფლონ მეცნიერების დარგებს, — მხოლოდ ამის შემდეგ შესძლებს ნორჩი შემოქმედი, თუ მას საკმაო ნიჭი შესწევს, შესაფერისი სიძლიერით გამოსახოს მხატვრულად თავის ნაწარმოებებში ჩვენი დიდი ცხოვრება თავისი მრავალფეროვნებით.

ეს დიდი პასუხისმგებლობა უნდა იგრძნოს ყველა ნორჩმა ავტორმა და როცა ესა თუ ის ნაწარმოები, ლექსი თუ მოთხრობა, მხატვრულად ძლიერი იქნება, რედაქცია მუდამ სიამოვნებით დაუთმობს მას ჟურნალში ადგილს.

## შ ი ნ ა ა რ ს ი

5. დაფნარელი — ჩვენც სამსახურს ვუწევთ ხუთწლედს (ლექსი) . . . . .	83.
გავაუმჯობესოთ რაზმეულების, რაზმების რგოლების მუშაობა! . . . . .	1
6. ბობოხიძე — პიონერული სიმღერა სამშობლოზე (ლექსი) . . . . .	2
7. შურული — გაზაფხული (ლექსი) . . . . .	6
8. ლენინის სიტყაბუკე (ეპიზოდი ბიოგრაფიიდან) . . . . .	7
9. სულაბერიძე — ვაშლის ხის ნერგი (ლექსი) . . . . .	8
10. კეკელიძე — მეგობრები (მოთხრობა) . . . . .	10
11. შ. ამისულაშვილი — ბერ მუხაში ჩადგა წყალი (ლექსი) . . . . .	11
12. ლაზიშვილი — ერთი ციყვის ამბავი (მოთხრობა) . . . . .	15
16. . . . .	16

5. ჯაში — მოსკოვი (წერილი) . . . . .	83.
6. აბზიანიძე — ფინიას ოინებო (ამბავი) . . . . .	19
სიუ-ლიენი (ჩინური ამბავი) . . . . .	23
7. ჯავრიშვილი — შესწავლე სამშობლო მხარე (წერილი) . . . . .	24
აფხაზური ანდაზები . . . . .	26
8. გვინჩიძე — აბოლონი (მითოლოგიის ლექსიკონი) . . . . .	27
ნორჩი ავტორები (წერილი) . . . . .	28
მერცხლები (მინიატიურა) . . . . .	31
გასართობი . . . . .	33

გარეკანზე — „მერცხლები მოფრინდნენ“ ნახატი ალ. გიგოლაშვილისა.

სარედაქციო კოლეგია: ი. აბაშიძე, აკად. ნ. ბერძენიშვილი, შ. გვინჩიძე  
 ვ. ვარდიაშვილი, პროფ. გ. თავაშვილი, გ. კაკაბიძე (პ/მგ. რედაქტორი),  
 ს. კეცხოველი, პ. მეტრეველი, ნ. ნაკაშიძე.

უგ 01680. ტირაჟი 7000, გამომც. № 36, სტამბის შეკვეთა № 483, ბერიას სახელობის კომბინატი „კომუნისტი“, ლენინის ქ. № 28. ჟურნალის გარეკანი დაბეჭდილია კომბინატ „კომუნისტის“ სტამბაში.





## გეომეტრიული ჩაინვორდი (№ 10)

1. აბისინია, 2. აბო, 3. ორინოკო, 4. ორასი, 5. იანვარი, 6. რიო-დე-ჟანეირო, 7. ობი, 8. იმერეთი, 9. თბილისი, 10. ირკუტსკი, 11. ინდიანა, 12. აჭარა, 13. როსტოვი, 14. ვიტებსკი, 15. საფა, 16. ანი, 17. ივანოვო, 18. ორისაბა, 19. ბაქო, 20. ქუთაისი, 21. სტალინგრადი, 22. ინგლისი.

## პაროკროსკოპი (№ 11)

1. პედაგოგი, 2. იუბიტერი, 3. ობსერვატორია, 4. ნეიტონი, 5. ელვა, 6. რაზმაძე, 7. ომი, 8. დარვინი, 9. აბტონომია, 10. ექსკურსია, 11. ურანოსი, 12. ფორთოხალი, 13. ლაბორატორია, 14. ექსპედიცია, 15. მარი, 16. ენა, 17. ციოლოგისკი, 18. ინსტიტუტი, 19. ედისონი, 20. რადიო, 21. ბიოლოგია, 22. ატლასი, 23. სტუდენტი.

აქედან ლოზუნგი:

პიონერო დაეუფლე მეცნიერებას.

## ჩაფიქრებელი ერთნიშნა რიცხვის გამოცნობა (№ 12)

უნდა შეაჯამოთ დასახელებული ნაშთის ციფრები და ეს ჯამი გამოაკლოთ თვრამეტს.

ვთქვათ, დასახელებულია 91.

$$9 + 1 = 10;$$


$$18 - 10 = 8.$$

მაშასადამე, ჩაფიქრებული ყოფილა 8.

## გამოცანა-სურათი (№ 11)

მხატვარმა დაუშვა შემდეგი შეცდომები: 1. ბაირაღისა და კვამლის მიმართულეზა ერთმანეთის საწინააღმდეგაა, 2. სახლზე ფანარი მეტად მაღლაა, 3. ვიტრინას აწერია „პური“, იქ კი ტურჭელი აწყვია, 4. ვიტრინას აწერია „შესავალი“, 5. საწვიმარი მილი ყირამალაა, 6. საათის ციფერბლატზე არის რიცხვი „13“, 7. მთვარე გამჭვირვალე არაა, ამიტომ ვარსკვლავი არ შეიძლება ჩანდეს, 8. ფუნქულორზე მამადავითის ეკლესია მარცხნითაა დახატული, 9. კიბე კარზე მაღლაა დახატული, 10. ხეტომობილი ქუჩის მარცხნით დგას, რაც წესის დარღვევაა, 11. ელექტროვაყვანილობა დამაგრებულია ხეზე, 12. ფანრის ბოძი შუა ქვაფენილზეა, 13. საწვიმარი მილიდან კვამლი ამოდის, 14. აივანი არაა სწორად დახატული, 15. ფანჯარა ყირამალაა, 16. საწვიმარი მილი ფანჯრიდანაა გამოყვანილი, 17. მეეზოვეს ერთ ფეხზე ჩექმა აცვია, მეორეზე ტუფლი, 18. შლანგი არაა შეერთებული წყალსადენთან.

## სამხედრო გამოცანა (№ 12)



## კროსკოპი (№ 12)

ვერტიკალურად

1. ამერიგო 3. ელვა, 4. პირი, 5. მალტა, 7. ოზონი, 9. მერიდიანი, 11. არგენტინა, 13. ონგინი, 14. სიცილია, 15. ტემზა, 16. სიმგა, 21. აკაკი, 22. კრივი, 24. არა. 25. ტრიტონი, 26. ჩაი.

ჰორიზონტალურად

2. არენა, 6. ლალიონი, 8. ლამა, 10. იავო, 12. პო, 14. სი, 17. ჰერცი, 18. ლიმონადი, 19. ანატომია, 20. ნისლი, 23. არია, 26. ჩაფი, 27. არტისტი, 28. აზოტი.

## გამოცანები (№ 12)

ავტომობილი, ტრაქტორი.

## პასუხი

ჟურნალ „პიონერის“ № № 10, 11 და 12-ში მოთავსებულ გასართობ გამოცანებზე გამოგზავნის შემდეგმა პიონერ-მოსწავლეებმა:

გურამ ხიზანაშვილმა (თბილისი), ცისანა ტორშელიძემ (თბილისი), ლატაგრა გომართელმა (თბილისი), ცისანა ჩილაჩავამ (ქარელი), გაიონ ერაძემ (თბილისი), ჰამლეტ ჯავახიამ (თბილისი), შედეა ქარცივაძემ (მაიაკოვსკი), თინა თავბერიძემ (ახალი აბაშა), ლილი კაჭარავამ (აბაშა), ნოდარ ფირანიშვილმა (თბილისი), გურამ ლომიძემ (თბილისი), ყუყუენა ნატროშვილმა (მაიაკოვსკი), მაყვალა გოგუაძემ (მახარაძე), ცილა გოჩელაშვილმა (ტყებულო), ლაურა ერთაშვილმა (სიღნაღი), ზვიად კოვხარიძემ (მანგლისი), თემურაზ კვიციანიძემ (ზესტაფონი), ლია ლორიაძე (საჯავახო), თენგიზ ლებანიძემ (ონი), ნინო მკერვალიშვილმა (ქუთაისი), დ. იმედაძემ (ამბროლაური), ნუნუ შავგულიძემ (თბილისი), ლეილა შანიძემ (ჭიათურა), მერი გორდაძემ (ქობულეთი), რ. ხუჯაძემ (ხაშური), რაულ წერეთელმა (თბილისი), ვილდარო ელამიძემ (მეჯვრისხევი), სიმონ თუთბერიძემ (ზესტაფონი), მიხეილ ბანდალოვმა (თბილისი), დალილა რუბაშვილმა (დუშეთი), ლილა ბიჭიძემ (ჭიათურა), ლაურა კახიძემ (მაიაკოვსკი), ქ. ფირფილაშვილმა (მაიაკოვსკი), ნანა აბუაშვილმა (გორი), მამია ნაცვლიშვილმა (აბაშა), გოდერძი სეფერთელაძემ (სოფ. ასკანი), ცისანა ფურცელაძემ (მაიაკოვსკი), ცილა ბერიძემ (მაიაკოვსკი), გურამ ლელაძემ (ზესტაფონი), ლამარა იოსებაშვილმა (მაიაკოვსკი), რევაზ სიჭინავამ (ქუთაისი), დური გეგვიძემ (მაიაკოვსკი), იურე ბერაძემ (ბარაგოული), ნაზო საფარიძემ (ლანჩხუთი).





9/435

4382

ՀԱՅԿԱՅԱՍՏԱՆԻ  
ՊԱՐԿԱՆԵՐԻ ԳՐԱԴԱՐԱՆ

